

186  
1980

საქართველო  
საბჭოთავო



# საქართველოს სსრ მთავრობის ღარგენიღებათა კრებუდი

№ 5

სექტემბერი — ოქტომბერი

1980 წ.



# საქართველოს სსრ მთავრობის დადგენილებათა კრებული

№ 5

სექტემბერი—ოქტომბერი

1980 წ.

## შინაარსი

### საქართველოს კვ ცენტრალური კომიტეტისა და საქართველოს სსრ მინისტრთა საბჭოს დადგენილებები

- 72. შეცნობების საკითხებზე საქართველოს კვ ცენტრალური კომიტეტისა და საქართველოს სსრ მინისტრთა საბჭოს ზოგიერთი დადგენილების ძალადაკარგულად ჩათვლის შესახებ.
- 73. საქართველოს სსრ ფარგლებში შივი ზღვის სანაპირო ზონის შესწავლისა და დაცვის რესპუბლიკური სამსახურის სრულყოფის ღონისძიებათა შესახებ.

### საქართველოს სსრ მინისტრთა საბჭოს დადგენილებები

- 74. ბათუმის საზღვაოსნო სასწავლებლისათვის საინჟინრო ჯარების მარშლის ა. ვ. გელოვანის სახელის მინიჭების შესახებ.
- 75. საქართველოს სსრ სახელმწიფო არბიტრაჟის ორგანოების დებულების დამტკიცების შესახებ.
- 76. სსრ კავშირის მინისტრთა საბჭოსთან არსებული რელიგიების საქმეთა საბჭოს საქართველოს სსრ რწმუნებულის აპარატთან არსებული საკონსულტაციო საბჭოს დებულებისა და აღნიშნული საბჭოს შემადგენლობის დამტკიცების შესახებ.
- 77. მ. ჯავახიშვილის იუბილესთან დაკავშირებულ ღონისძიებათა შესახებ.
- 78. „საქართველოს სსრ მინისტრთა საბჭოს გამომცემლობათა, პოლიგრაფიისა და წიგნის ვაჭრობის საქმეთა სახელმწიფო კომიტეტის სისტემაში საწარმოო გაერთიანებათა შექმნის შესახებ“ საქართველოს სსრ მინისტრთა საბჭოს 1977 წლის 24 ივნისის № 470 დადგენილების ნაწილობრივ შეცვლის თაობაზე.

კ. მარტსას სსრ. საქ. სსრ  
სახელმწიფო კომიტეტი

79. საქართველოს სსრ მინისტრთა საბჭოს 1967 წლის 14 ივლისის № 454 დადგენილებაში დამატების შეტანის შესახებ.
80. საქართველოს სსრ მინისტრთა საბჭოსთან არსებული მთავარი საარქივო სამმართველოს დებულების დამტკიცების შესახებ.
81. ბუნების დაცვისა და ბუნებრივი რესურსების გონივრულად გამოყენების დარგში თვალსაჩინო ნაშუქვერებისათვის საქართველოს სსრ მეცნიერებათა აკადემიის, აკადემიკოსის თეოფანე ფარნას-ძე დავითაიას სახელობის პრემიის მინიჭებულ დებულების დამტკიცების შესახებ.
82. არასაცხოვრებელი სადგომების საიჯარო ქირის განავეთების დამტკიცების შესახებ.
83. საქართველოს სსრ ბუნების დაცვის სახელმწიფო კომიტეტის საკითხები.
84. ბოლნისის ტუფის ფილების საბითუმო ფასის დამტკიცების შესახებ.
85. საქართველოს სსრ მინისტრთა საბჭოს 1980 წლის 30 ივნისის № 538 დადგენილების მე-4 დანართში ნაწილობრივი ცვლილების შეტანის შესახებ.
86. საქართველოს სსრ კვების მრეწველობის სამინისტროს დებულებაში ცვლილებათა შეტანის შესახებ.
87. „მეორეული ნედლეულის დამზადებისა და გამოყენების საკითხებზე სსრ კავშირის მთავრობის გადაწყვეტილებათა ძალადაკარგულად ჩათვლის შესახებ“ სსრ კავშირის მინისტრთა საბჭოს 1980 წლის 17 სექტემბრის № 803 დადგენილებასთან დაკავშირებით საქართველოს სსრ მინისტრთა საბჭოს დადგენილებათა ძალადაკარგულად ჩათვლის თაობაზე.

საქართველოს კვ ცენტრალური კომიტეტისა და  
 საქართველოს სსრ მინისტრთა საბჭოს დადგენილებები

**72** მეცნიერების საკითხებზე საქართველოს კვ ცენტრალური კომიტეტისა და საქართველოს სსრ მინისტრთა საბჭოს ჯიჯიქირთი დადგენილების ქალადაპარგულად ჩათვლის შესახებ

საქართველოს სსრ მინისტრთა საბჭოს 1974 წლის 25 ივლისის № 427 დადგენილების შესაბამისად საქართველოს სსრ მოქმედი კანონმდებლობის კრებულის გამოცემასთან დაკავშირებით საქართველოს კვ ცენტრალური კომიტეტი და საქართველოს სსრ მინისტრთა საბჭო ადგენენ:

ძალდაკარგულად ჩაითვალოს საქართველოს კვ ცენტრალური კომიტეტისა და საქართველოს სსრ მინისტრთა საბჭოს დადგენილებანი, თანდართული ნუსხის თანახმად.

საქართველოს კვ  
 ცენტრალური კომიტეტის  
 მდივანი  
 ბ. კოლზინი.

საქართველოს სსრ  
 მინისტრთა საბჭოს  
 თავმჯდომარის მოადგილე  
 ნ. ზითანავა.

დ ბ მ ტ კ ი ც ე ბ უ ლ ი ა

საქართველოს კვ ცენტრალური კომიტე-  
 ტისა და საქართველოს სსრ მინისტრთა  
 საბჭოს 1980 წლის 2 სექტემბრის № 693  
 დადგენილებით

### ნ უ ს ხ ა

საქართველოს კვ ცენტრალური კომიტეტისა და საქართველოს სსრ მინისტრთა  
 საბჭოს ძალადაკარგული დადგენილებებისა მეცნიერების საკითხებზე

1. საქართველოს კვ ცენტრალური კომიტეტისა და საქართველოს სსრ მინის-  
 ტრთა საბჭოს 1957 წლის 13 ივნისის № 372 დადგენილება „საქართველოს სსრ  
 სოფლის მეურნეობის სამინისტროსთან სოფლის მეურნეობის აკადემიის მოწყო-  
 ბის შესახებ“.

2. საქართველოს კვ ცენტრალური კომიტეტისა და საქართველოს სსრ მი-  
 ნისტრთა საბჭოს 1957 წლის 8 ოქტომბრის № 641 დადგენილება „საქართველოს  
 სასოფლო-სამეურნეო მეცნიერებათა აკადემიის დაარსების შესახებ“.

3. მე-10 პუნქტი საქართველოს კვ ცენტრალური კომიტეტისა და საქართვე-  
 ლოს სსრ მინისტრთა საბჭოს 1957 წლის 29 ოქტომბრის № 690 დადგენილებისა  
 „სეტყვის წინააღმდეგ ბრძოლის ღონისძიებათა შესახებ“.

## 73 საქართველოს სსრ ფარგლებში შავი ზღვის სანაპირო ზონის შესწავლისა და დაცვის რესპუბლიკური სამსახურის სრულყოფის ღონისძიებათა შესახებ

საქართველოს კვ ცენტრალური კომიტეტი და საქართველოს სსრ მინისტრთა საბჭო აღნიშნავენ, რომ, შავი ზღვის ნაპირის დაცვის მიზნით ყოველწლიურად რესპუბლიკაში მთელ რიგ ღონისძიებათა განხორციელების მიუხედავად, საბაზე ზონების მდგომარეობა როგორც მოქმედი, ისევე დასაბროექტებელი სანაპირო კურორტებისა და ქალაქების რაიონებში კვლავ უარესდება. საქართველოს სსრ ფარგლებში შავი ზღვის სანაპიროს 306 კილომეტრი სიგრძით დაწინაურებული წარეცხილი ნაპირის სიგრძე უკანასკნელ ათ წელიწადში 180 კილომეტრამდე გაიზარდა, ამასთან მთლიანად წაირეცხა ბუნებრივ-კლიმატური პირობებით ყველაზე მნიშვნელოვანი 25 კილომეტრი სიგრძის პლაჟი.

უკანასკნელი 15 წლის მანძილზე საქართველოში შავი ზღვის ნაპირის დინამიკის ბუნებრივ პროცესებს ორმოცამდე ორგანიზაცია იკვლევდა. სპეციალიზაციის სფეროსა და პროფილის მიხედვით სხვადასხვა ამ ორგანიზაციების გამოკვლევათა შედეგები ზმირად საპირისპირო და საწინააღმდეგოა.

ამიერკავკასიის რკინიგზისა და საქართველოს სსრ საბინაო-კომუნალური მეურნეობის სამინისტროს ობიექტების მიხედვით ნაპირდაცვის ნაგებობათა დაპროექტებას აწარმოებს ინსტიტუტი „კავტრანსსახპროექტი“, ხოლო სხვა ობიექტებისა — პროფილით სხვადასხვა ინსტიტუტები. მაგალითად, კურორტ ბიჭვინთის რაიონში 6 კილომეტრი სიგრძის სანაპირო მონაკვეთზე საპროექტო-საძიებო სამუშაოები შესრულეს ინსტიტუტებმა „მოსპროექტმა“, „ჩერნომორნიპროექტმა“, რუსეთის სფსრ „იუვეიპროკომუნსტროიმ“, ს. ი. ჟუკის სახელობის პირობაპროექტმა, ინსტიტუტ „პირობპროექტის“ თბილისის განყოფილებამ და სხვებმა.

საქართველოს სსრ ფარგლებში შავი ზღვის სანაპირო ზონის შესწავლისა და დაცვის რესპუბლიკური სამსახურის სრულყოფის, ზღვის ნაპირების დაცვისადმი ვიწროუწყებრივი და კუთხური მიდგომის აღმოფხვრის და ამ საქმეში ერთიანი მეცნიერულ-ტექნიკური პოლიტიკის განხორციელების უზრუნველყოფის მიზნით საქართველოს კვ ცენტრალური კომიტეტი და საქართველოს სსრ მინისტრთა საბჭო ა დ გ ე ნ ე:

1. შეიქმნას 1981 წლის 1 იანვრიდან საქართველოს სსრ მეცნიერებათა აკადემიის გეოგრაფიის ინსტიტუტის ზღვის ნაპირების დინამიკის ლაბორატორიის, ინსტიტუტ „კავტრანსსახპროექტის“ ნაპირდაცვის ნაგებობათა დაპროექტების განყოფილების, საქართველოს სსრ საბინაო-კომუნალური მეურნეობის სამინისტროს შავი ზღვის სანაპიროზე ნაპირსამაგრებელი და მეწყერსაწინააღმდეგო ნაგებობებისა და მათი ექსპლუატაციისადმი ზედამხედველობის რესპუბლიკური სამმართველოს და სარემონტო-სამშენებლო სამმართველოს „ნაპირსამაგრების“ ბაზაზე საქართველოს სსრ მინისტრთა საბჭოსთან შავი ზღვის სანაპირო ზონის ბუნების შესწავლისა და დაცვის სამეცნიერო-საწარმოო გაერთიანება — „საქზღვანაპირდაცვა“ სამეცნიერო-კვლევითი სექტორის, საპროექტო-საკონსტრუქ-



ტორო ბიუროს, ქ. სოხუმში, ბათუმში, ფოთსა და ვაგრაში სპეციალური მექანიზებული კოლონების შემადგენლობით (კაპიტალურ დაბანდებათა მოცულობის გადიდებისა და საპროექტო-საძიებო დოკუმენტაციის მზაობის კვალობაზე).

დაწესდეს, რომ „სამეცნიერო-საწარმოო გაერთიანების დებულების დამტკიცების შესახებ“ სსრ კავშირის მინისტრთა საბჭოს 1975 წლის 30 დეკემბრის № 1062 დადგენილების შესაბამისად გაერთიანების სამეცნიერო-კვლევითი სექტორი ამავე დროს არის გაერთიანების მთავარი სტრუქტურული ერთეული.

2. დაევალოს კომისიას აშხ. ი. ი. ქედიშვილის (თავმჯდომარე), ფ. ა. ანანიავილის, ი. გ. გვერდწითელის, გ. ს. ვაშაკიძის, ვ. ი. კაჭარავას, ა. გ. კიკნაძის, გ. ზ. მირიანაშვილის. ი. ს. ყორღანის, ა. ა. შუშანაშვილის, რ. ა. ჯაფარიძის შემადგენლობით ორი თვის ვადაში შეიმუშაოს და წარმოუდგინოს საქართველოს სსრ მინისტრთა საბჭოს დასამტკიცებლად:

— სამეცნიერო-საწარმოო გაერთიანება „საქზღვანაპირდაცვის“ სტრუქტურა და შტატები;

— სამეცნიერო-საწარმოო გაერთიანება „საქზღვანაპირდაცვის“ დებულება „სამეცნიერო-საწარმოო გაერთიანების დებულების დამტკიცების შესახებ“ სსრ კავშირის მინისტრთა საბჭოს 1975 წლის 30 დეკემბრის № 1062 დადგენილების შესაბამისად.

3. დაეკისროს სამეცნიერო-საწარმოო გაერთიანებას „საქზღვანაპირდაცვის“ ღონისძიებათა კომპლექსის შესრულება „მეცნიერება-წარმოების“ სამუშაოთა მთელი ციკლის მიხედვით, რომელიც შეიცავს შავი ზღვის სანაპირო ზონის დინამიკის ბუნებრივ პროცესთა სტაციონარულ-სარეჟიმო და თემატურ გამოკვლევებს, და შესაბამისი რეკომენდაციების მიცემა პროექტების შესადგენად, საპროექტო-სახარჯთაღრიცხვო დოკუმენტაციის შეიმუშავება და ნაპირსამაგრებელ ნაგებობათა და პლაჟების მოწინებლობის, რემონტისა და ექსპლუატაციის განხორციელება.

4. დაწესდეს, რომ სამეცნიერო-საწარმოო გაერთიანება „საქზღვანაპირდაცვის“ შენახვის ხარჯები გაიღება სამეცნიერო-კვლევითი სამუშაოებისათვის გამოყოფილი სახსრებიდან, საბიუჯეტო ასიგნებებიდან (სამეცნიერო სექტორი, ექსპლუატაციის სამუშაოები) და ნაპირსამაგრებელ ღონისძიებათა განხორციელებისათვის გამოყოფილი კაპიტალური დაბანდებებიდან (საპროექტო და სამშენებლო ქვედანაყოფების აპარატი).

5. დაწესდეს, რომ:

— გაერთიანება „საქზღვანაპირდაცვის“ სამეცნიერო სექტორი თავის სამეცნიერო საქმიანობას შეუთანხმებს საქართველოს სსრ მეცნიერებისა და ტექნიკის სახელმწიფო კომიტეტს;

— სსრ კავშირის მინისტრთა საბჭოს 1975 წლის 30 დეკემბრის № 1062 დადგენილებით დამტკიცებული სამეცნიერო-საწარმოო გაერთიანების დებულების შესაბამისად სამეცნიერო-კვლევითი სექტორის დირექტორი ამავე დროს არის გაერთიანების გენერალური დირექტორი;

— სამეცნიერო-საწარმოო გაერთიანება „საქზღვანაპირდაცვის“ გენე-

რალურ დირექტორსა და დირექტორის მოადგილეებს ნიშნავს საქართველოს სსრ მინისტრთა საბჭო.

6. სამეცნიერო-საწარმოო გაერთიანება „საქზღვანაპირდაცვის“ შექმნასთან დაკავშირებით:

— საქართველოს სსრ საბინაო-კომუნალური მეურნეობის სამინისტრომ გადასცეს დადგენილი წესით 1981 წლის 1 იანვრიდან შესაბამისი გაფორმებით სამეცნიერო-საწარმოო გაერთიანებას „საქზღვანაპირდაცვას“ ნაპირსამაგრებელ სამუშაოთა შემკვეთის ფუნქციები, 1981 წლის 1 იანვრისათვის დაუმთავრებელი ნაპირგამაგრების სამშენებლო ობიექტები, მის საქვეუწყებო შავი ზღვის სანაპიროს ნაპირსამაგრებელი და მეწყერსაწინააღმდეგო ნაგებობებისა და მათი ექსპლუატაციისადმი ზედამხედველობის რესპუბლიკური სამმართველოს და სარემონტო-სამშენებლო სამმართველოს „ნაპირგამაგრების“ ბალანსზე რიცხული ძირითადი ფონდები და საშუალებანი (შენობა-ნაგებობანი და სხვ.), მატერიალურ-ტექნიკური რესურსები და მათი ფონდები, აგრეთვე ამ სამმართველოთა პერსონალის საშტატო ერთეულები და მისი შენახვის ზღვრული ასიგნებანი;

— საქართველოს სსრ მეცნიერებათა აკადემიის გეოგრაფიის ინსტიტუტმა გადასცეს სამეცნიერო-საწარმოო გაერთიანებას „საქზღვანაპირდაცვას“ ბალანსიდან ბალანსზე ზღვის ნაპირების დინამიკის ლაბორატორიისადმი რიცხული აპარატურა, მცურავი საშუალებანი და სხვა ძირითადი საშუალებანი, ამასთან მხედველობაში იქნეს მიღებული, რომ სამეცნიერო-საწარმოო გაერთიანება „საქზღვანაპირდაცვა“ საჭიროების კვალობაზე უზრუნველყოფს საქართველოს სსრ მეცნიერებათა აკადემიის მცურავი საშუალებებით, მოწყობილობით, აპარატურით, ექსპედიციების სამუშაო აღგილითა და სხვა მატერიალურ-ტექნიკური საშუალებებით სანაპიროს ფუნდამენტურ გამოკვლევათა განსახორციელებლად.

7. საქართველოს სსრ სახელმწიფო საგეგმო კომიტეტმა და საქართველოს სსრ სახმომარაგებამ განიხილონ სამეცნიერო-საწარმოო გაერთიანება „საქზღვანაპირდაცვის“ საჭირო მოწყობილობით, მექანიზმებით, ხელსაწყოებით, აპარატურით, სატრანსპორტო და სხვა ძირითადი საშუალებებით დამატებითი აღჭურვის საკითხი და 1980 წლის 1 ნოემბრამდე წარმოუდგინონ წინადადება საქართველოს სსრ მინისტრთა საბჭოს.

8. საქართველოს სსრ სახელმწიფო საგეგმო კომიტეტმა:

— გაითვალისწინოს, მოყოლებული 1981 წლიდან, რესპუბლიკის ეკონომიკური და სოციალური განვითარების სახელმწიფო გეგმებში კაპიტალურ დაბანდებათა გამოყოფა ნაპირდაცვის ღონისძიებათა განსახორციელებლად უშუალოდ სამეცნიერო-საწარმოო გაერთიანება „საქზღვანაპირდაცვისათვის“;

— გაითვალისწინოს 1981-1985 წლებში სამეცნიერო-საწარმოო გაერთიანება „საქზღვანაპირდაცვისათვის“ კაპიტალურ დაბანდებათა გამოყოფა საწარმოო, სარემონტო და ექსპერიმენტული ბაზების ასაშენებლად, მოწყობილობის, მექანიზმების, სატრანსპორტო და მცურავ საშუალებათა შესაძენად;

— სამეცნიერო-საწარმოო გაერთიანება „საქზღვანაპირდაცვაში“ სპეციალისტთა მიზიდვისა და შენარჩუნების მიზნით გაითვალისწინოს აღნიშნული გა.



ერთიანებისათვის კაპიტალურ დაბანდებათა გამოყოფა საბინაო მშენებლობის ფილოზოფიის მონაწილეობის მისაღებად.

9. საქართველოს სსრ სახელმწიფო საგეგმო კომიტეტმა და საქართველოს სსრ მეცნიერებისა და ტექნიკის სახელმწიფო კომიტეტმა გაითვალისწინონ მეცნიერებისა და ტექნიკის განვითარების გეგმებში სამეცნიერო-საწარმოო გაერთიანება „საქზღვანაპირდაცვის“ მიერ მეცნიერული და ლაბორატორიული გამოკვლევების განხორციელება საქართველოს სსრ ფარგლებში შავი ზღვის ნაპირების შესასწავლად და დასაცავად.

10. საქართველოს სსრ ფინანსთა სამინისტრომ გაითვალისწინოს სამეცნიერო-საწარმოო გაერთიანება „საქზღვანაპირდაცვისათვის“ საბიუჯეტო ასიგნებათა გამოყოფა წარუცხვისა და ნგრევისაგან საქართველოს ზღვის ნაპირების დაცვის სამუშაოთა საწარმოებლად.

11. ზღვის დამანგრეველი ზემოქმედებისაგან შენობა-ნაგებობათა დაცვის უზრუნველყოფის, კაპიტალურ დაბანდებათა თანამიმდევრულად ათვისების მიზნით დაწესდეს, რომ საქართველოს შავი ზღვის სანაპიროს სამკილომეტრიან ზონაში შენობა-ნაგებობათა, აგრეთვე შავი ზღვის აუზის მდინარეებზე კაშხლების დაპროექტება და მშენებლობა განხორციელდება მხოლოდ სამეცნიერო-საწარმოო გაერთიანება „საქზღვანაპირდაცვასთან“ შეთანხმების შემდეგ, კერძოდ, ნაპირდაცვის ღონისძიებათა განხორციელებაში ამ ობიექტების შემკვეთთა ფილოზოფიის მონაწილეობის განსაზღვრის შემდეგ.

12. საქართველოს სსრ სახმშენმა, საქართველოს სსრ სოფლის მეურნეობის სამინისტრომ, აფხაზეთის ასსრ და აჭარის ასსრ მინისტრთა საბჭოებმა, ზუგდიდის, მახარაძის, ლანჩხუთის რაიონების და ქალაქ ფოთის სახალხო დეპუტატთა საბჭოების აღმასკომებმა საქართველოს შავი ზღვის სანაპიროს სამკილომეტრიან ზონაში განლაგებული საკურორტო-გამაჯანსაღებელი ობიექტების (სანატორიუმები, დასასვენებელი სახლები, კემპინგები, სასტუმროები, ტურისტთა ბაზები და ა. შ.), აგრეთვე უშუალოდ ზღვის ნაპირთან განლაგებული საწარმოო, კომუნალურ-საყოფაცხოვრებო და სხვა დანიშნულების ობიექტების მშენებლობისათვის მიწის ნაკვეთების გამოყოფა გააფორმონ მხოლოდ იმ პირობით, თუ მენაშენები აღნიშნული ობიექტების მშენებლობის კრებსით ხარჯთაღრიცხვებში შეიტანენ შესაბამის ხარჯებს ფილოზოფიის მონაწილეობის წესით ნაპირსამაგრებელ ღონისძიებათა განსახორციელებლად.

სამეცნიერო-საწარმოო გაერთიანებამ „საქზღვანაპირდაცვამ“ ყოველ კონკრეტულ შემთხვევაში განსაზღვროს ნაპირსამაგრებელ ღონისძიებებში სამინისტროთა და უწყებათა ფილოზოფიის მონაწილეობის ოდენობა.

სამინისტროებმა, უწყებებმა და სხვა ორგანიზაციებმა, რომლებიც ახორციელებენ აღნიშნული ობიექტების მშენებლობას, სსრ კავშირის მინისტრთა საბჭოს 1969 წლის 17 იანვრის № 40 დადგენილების მე-5 პუნქტის შესაბამისად უზრუნველყონ დადგენილი წესით შესაბამის კაპიტალურ დაბანდებათა გამოყოფა და გადაცემა (სამშენებლო-სამონტაჟო სამუშაოთა ლიმიტებითურთ) ნაპირსამაგრებელ სამუშაოებში ფილოზოფიის მონაწილეობისათვის.



13. საქართველოს ზღვის ნაპირების დაცვის საკითხთა კომპლექსური გადაწყვეტისა და ამ საქმეში ერთიანი მეცნიერულ-ტექნიკური პოლიტიკის განხორციელების მიზნით ამიერკავკასიის რეინიგზის სამმართველომ და ინსტიტუტმა „კავტრანსსახპროექტმა“ ნაპირდაცვის ღონისძიებათა განხორციელება შეუთანხმონ სამეცნიერო-საწარმოო გაერთიანებას „საქზღვანაპირდაცვას“.

14. აფხაზეთის ასსრ და აჭარის ასსრ მინისტრთა საბჭოებმა, ფოთის სახალხო დეპუტატთა საქალაქო საბჭოს აღმასკომმა 1980 წლის 1 დეკემბრამდე გამოყონ შესაბამისი ტერიტორიები და სადგომები ქ. გაგრაში, გუდაუთაში, ოჩამჩირეში, ფოთში, ბათუმში ხუთი რეგიონალური სანაპირო სტაციონარული სარეჟიმო სადგურის და ქ. სოხუმში, ბათუმში, ფოთში, გაგრაში ოთხი სპეციალიზებული მექანიზებული კოლონის მოსათავსებლად.

15. მიზანშეწონილად ჩაითვალოს ახლანდელ ეტაპზე სამეცნიერო-საწარმოო გაერთიანება „საქზღვანაპირდაცვის“ დისლოკაცია ქალაქ თბილისში.

საქართველოს სსრ მინისტრთა საბჭომ ორი თვის ვადაში გადაწყვიტოს სამეცნიერო-საწარმოო გაერთიანება „საქზღვანაპირდაცვის“ ცენტრალური აპარატის, სამეცნიერო-კვლევითი ლაბორატორიებისა და საპროექტო-საკონსტრუქტორო ბიუროს მოსათავსებლად საწარმოო ფართობების გამოყოფის საკითხი.

16. ეთხოვოს სსრ კავშირის მინისტრთა საბჭოს დაავალოს სსრ კავშირის სახელმწიფო საგეგმო კომიტეტსა და სსრ კავშირის სახმშენს:

— დააჩქარონ კომპლექსურ ნაპირსამაგრებელ ღონისძიებათა განსახორციელებლად წილობრივი მონაწილეობის წესით იმ სამინისტროთა და უწყებათა სახსრების მიზიდვის საკითხის გადაწყვეტა, რომელთა ობიექტები განლაგებულია საქართველოს შავი ზღვის სანაპიროს სამკილომეტრიან ზონაში;

— დაამტკიცონ ნაპირსამაგრებელ ღონისძიებებში სამინისტროთა და უწყებათა წილობრივი მონაწილეობის ოდენობის განსაზღვრის წესი, რომელიც შემუშავებულია რესპუბლიკის მინისტრთა საბჭოს მიერ;

— დააწესონ, რომ:

სამინისტროთა და უწყებათა წილობრივი მონაწილეობა ნაპირსამაგრებელ ღონისძიებებში გავლენას არ უნდა ახდენდეს (არ უნდა ითვალისწინებდეს) ობიექტების ტექნიკურ-ეკონომიკური მაჩვენებლების განსაზღვრაზე;

ეს ხარჯები სახარჯთაღრიცხვო-საფინანსო განგარიშებებში გათვალისწინებულ უნდა იქნეს ცალკე სტრიქონად: „წილობრივი მონაწილეობა საქართველოს შავი ზღვის სანაპიროზე განსახორციელებელ ნაპირსამაგრებელ ღონისძიებებში“.

17. საქართველოს სსრ მეცნიერებისა და ტექნიკის სახელმწიფო კომიტეტმა და საქართველოს სსრ სახელმწიფო საგეგმო კომიტეტმა 1980 წლის 1 ოქტომბრამდე შეუთანხმონ სსრ კავშირის შრომისა და სოციალურ საკითხთა სახელმწიფო კომიტეტს სამეცნიერო-საწარმოო გაერთიანება „საქზღვანაპირდაცვის“ სამეცნიერო-კვლევითი სექტორის ორგანიზაციის და სსრ კავშირის მინისტრ-



ტრთა საბჭოს, 1966 წლის 1 ოქტომბრის № 797 დადგენილების შესაბამისად მისთვის მუშაკთა შრომის ანაზღაურების კატეგორიის დაწესების საკითხი.

საქართველოს კბ  
ცენტრალური კომიტეტის მდივანი  
**ე. შივარდნიძე.**

საქართველოს სსრ  
მინისტრთა საბჭოს თავმჯდომარე  
**ზ. პატარიძე.**

ქ. თბილისი, 1980 წ. 23 სექტემბერი, № 743

**საქართველოს სსრ მინისტრთა საბჭოს დადგენილებები**

**74 ბათუმის საზღვაოსნო სასწავლებლისათვის საინჟინრო ჯარების მარშლის ა. ვ. გელოვანის სახელის მინიჭების შესახებ**

საქართველოს სსრ მინისტრთა საბჭო ადგენს:  
დაკმაყოფილდეს აჭარის ასსრ მინისტრთა საბჭოს შუამდგომლობა და მიენიჭოს ბათუმის საზღვაოსნო სასწავლებელს საინჟინრო ჯარების მარშლის ა. ვ. გელოვანის სახელი.

საქართველოს სსრ მინისტრთა საბჭოს  
თავმჯდომარე **ზ. პატარიძე.**

საქართველოს სსრ მინისტრთა საბჭოს  
საქმეთა მმართველი **ზ. ახვლედიანი.**

ქ. თბილისი, 1980 წ. 4 სექტემბერი, № 675

**75 საქართველოს სსრ სახელმწიფო არბიტრაჟის ორგანოების და-  
ბულების დამტკიცების შესახებ**

საქართველოს სსრ მინისტრთა საბჭო ადგენს:

1. „სახელმწიფო არბიტრაჟების მიერ სამეურნეო დავის განხილვის წესებისა და სსრ კავშირის მინისტრთა საბჭოსთან არსებული სახელმწიფო არბიტრაჟის დებულების დამტკიცების შესახებ“ სსრ კავშირის მინისტრთა საბჭოს 1980 წლის 5 ივნისის № 440 დადგენილების მე-2 პუნქტის შესაბამისად დამტკიცდეს სსრ კავშირის მინისტრთა საბჭოსთან არსებულ სახელმწიფო არბიტრაჟთან შეთანხმებული დებულება საქართველოს სსრ სახელმწიფო არბიტრაჟის ორგანოების შესახებ და შემოღებულ იქნეს იგი სამოქმედოდ 1980 წლის 10 სექტემბრიდან.

ძალადაკარგულად ჩაითვალოს 1980 წლის 10 სექტემბრიდან „საქართველოს სსრ მინისტრთა საბჭოსთან არსებული სახელმწიფო არბიტრაჟის ორგანი-

ზაციისა და საქმიანობის შემდგომი სრულყოფის შესახებ“ საქართველოს მინისტრთა საბჭოს 1974 წლის 14 მაისის № 234 დადგენილების 1-ლი, მე-2, მე-3, მე-6 პუნქტები, საქართველოს სსრ მინისტრთა საბჭოს 1976 წლის 8 ოქტომბრის № 707 დადგენილება „აფხაზეთის ასსრ და აჭარის ასსრ მინისტრთა საბჭოებთან არსებული სახელმწიფო არბიტრაჟების დეპულების დამტკიცების შესახებ“, საქართველოს სსრ მინისტრთა საბჭოს 1976 წლის 8 ოქტომბრის № 708 დადგენილება „საქართველოს სსრ მინისტრთა საბჭოს 1974 წლის 14 მაისის № 234 დადგენილებით დამტკიცებულ საქართველოს სსრ მინისტრთა საბჭოსთან არსებული სახელმწიფო არბიტრაჟის დებულებაში ცვლილებათა და დამატებათა შეტანის შესახებ“.

საქართველოს სსრ მინისტრთა საბჭოს  
თავმჯდომარე **ზ. პატარიძე**

საქართველოს სსრ მინისტრთა საბჭოს  
საქმეთა მმართველი **ზ. ახვლედიანი**

ქ. თბილისი, 1980 წ. 8 სექტემბერი, № 681

დ ა მ ტ კ ი ც ი ე ზ უ ლ ი ა  
საქართველოს სსრ მინისტრთა საბჭოს  
1980 წლის 8 სექტემბრის № 681 დადგენილებით

## დ ე ბ უ ლ ე ბ ა

### საქართველოს სსრ სახელმწიფო არბიტრაჟის ორგანოების შესახებ

1. „სსრ კავშირის სახელმწიფო არბიტრაჟის შესახებ“ სსრ კავშირის კანონის შესაბამისად საქართველოს სსრ რესპუბლიკაში მოქმედებენ:

საქართველოს სსრ მინისტრთა საბჭოსთან არსებული სახელმწიფო არბიტრაჟი (საქართველოს სსრ სახელმწიფო არბიტრაჟი), რომელიც საქართველოს სსრ საკავშირო-რესპუბლიკური ორგანოა;

აფხაზეთის ასსრ მინისტრთა საბჭოსთან არსებული სახელმწიფო არბიტრაჟი (აფხაზეთის ასსრ სახელმწიფო არბიტრაჟი);

აჭარის ასსრ მინისტრთა საბჭოსთან არსებული სახელმწიფო არბიტრაჟი (აჭარის ასსრ სახელმწიფო არბიტრაჟი).

2. საქართველოს სსრ სახელმწიფო არბიტრაჟი პასუხისმგებელია საქართველოს სსრ სახელმწიფო არბიტრაჟის ყველა ორგანოს საქმიანობის ორგანიზაციის, მდგომარეობისა და სრულყოფისათვის.



3. საქართველოს სსრ სახელმწიფო არბიტრაჟის მთავარი ამოცანები ის არის, რომ:

ხელმძღვანელობა გაუწიოს სახელმწიფო არბიტრაჟის ორგანოებს რესპუბლიკაში;

უზრუნველყოს საქართველოს სსრ სახელმწიფო არბიტრაჟების, სამინისტროების, სახელმწიფო კომიტეტების, უწყებების არბიტრაჟების და სხვა ორგანოების მიერ კანონმდებლობის ერთგვაროვნად და სწორად გამოყენება სამეურნეო დავის გადაწყვეტისას;

შეიმუშაოს წინადადებანი და განახორციელოს ღონისძიებანი, რომლებიც მიზნად ისახევენ სამეურნეო საქმიანობის სამართლებრივი რეგულირების სრულყოფას.

საქართველოს სსრ სახელმწიფო არბიტრაჟის ორგანოები:

ყოველმხრივ იყენებენ სამართლებრივ საშუალებებს სახალხო მეურნეობაში სოციალისტური საკუთრების დაცვის გაძლიერების, სამეურნეო ანგარიშის განმტკიცების, ეკონომიის რეჟიმის გაძლიერებისა და დანაკარგების აღმოფხვრის, ხელშეკრულების როლის ამაღლების, საწარმოთა, დაწესებულებათა და ორგანიზაციათა შორის რაციონალური სამეურნეო კავშირთა დამყარებისა და თანამშრომლობის განვითარების მიზნით, ამასთან ხელს უწყობენ სახალხო მეურნეობის დინამიკურ, გეგმაზომიერ და პროპორციულ განვითარებას, მეცნიერულ-ტექნიკური პროგრესის დაჩქარებას, საზოგადოებრივი წარმოების ეფექტიანობისა და მუშაობის ხარისხის ამაღლებას, სამეურნეო საქმიანობის საბოლოო შედეგების გაუმჯობესებას;

თავიანთ მუშაობას წარმართავენ სამეურნეო დავის გადაწყვეტისას საწარმოთა, დაწესებულებათა და ორგანიზაციათა უფლებებისა და კანონიერი ინტერესების დაცვის, ამ დავის დროულად განხილვის უზრუნველსაყოფად. აქტიურ ზემოქმედებას ახდენენ საწარმოებზე, დაწესებულებებსა და ორგანიზაციებზე მათ მიერ საგვგამო დაიალებათა და სახელშეკრულებო ვალდებულებათა შესრულების, სამეურნეო საქმიანობაში კანონიერების დარღვევათა, კუთხურობისა და უწყებრიობის გამოვლინებათა თავიდან აცილებისა და აღმოფხვრის, სახელშეკრულებო და საპრეტენზიო მუშაობის გაუმჯობესების მიზნით, ახორციელებენ სხვა ამოცანებს, რომელთაც ითვალისწინებს სსრ კავშირის კანონი „სსრ კავშირის სახელმწიფო არბიტრაჟის შესახებ“.

4. საქართველოს სსრ სახელმწიფო არბიტრაჟის ორგანოები თავიანთ საქმიანობაში ხელმძღვანელობენ სსრ კავშირის კონსტიტუციით, სსრ კავშირის კანონებით, სსრ კავშირის უმაღლესი საბჭოსა და მისი პრეზიდიუმის სხვა გადაწყვეტილებებით, საქართველოს სსრ კონსტიტუციით, საქართველოს სსრ კანონებით, საქართველოს სსრ უმაღლესი საბჭოსა და მისი პრეზიდიუმის სხვა გადაწყვეტილებებით, სსრ კავშირის მინისტრთა საბჭოსა და საქართველოს სსრ მინისტრთა საბჭოს დადგენილებებითა და განკარგულებებით, სსრ კავშირის სახელმწიფო არბიტრაჟის ბრძანებებით, ინსტრუქციებითა და დადგენილებებით, აგრეთვე ამ დებულებით.

აფხაზეთის ასსრ სახელმწიფო არბიტრაჟი და აჭარის ასსრ სახელმწიფო არბიტრაჟი თავიანთ საქმიანობაში ასევე ხელმძღვანელობენ — შესაბამისად — აფხაზეთის ასსრ და აჭარის ასსრ კონსტიტუციებით, აფხაზეთის ასსრ და აჭარის ასსრ კანონებით, აფხაზეთის ასსრ უმაღლესი საბჭოსა და აჭარის ასსრ უმაღლესი საბჭოს და მათი პრეზიდიუმების სხვა გადაწყვეტილებებით, აფხაზეთის ასსრ მინისტრთა საბჭოსა და აჭარის ასსრ მინისტრთა საბჭოს დადგენილებებითა და განკარგულებებით, აგრეთვე საქართველოს სსრ სახელმწიფო არბიტრაჟის ბრძანებებით, ინსტრუქციებითა და დადგენილებებით.

5. საქართველოს სსრ სახელმწიფო არბიტრაჟის ორგანოები:

შეიმუშავენ და განახორციელებენ ღონისძიებებს პარტიისა და მთავრობის გადაწყვეტილებათა შესასრულებლად;  
გადაწყვეტენ სამეურნეო დავას დაწესებული კომპეტენციის შესაბამისად;

განახორციელებენ დადგენილი წესით ზედამხედველობას საქართველოს სსრ სახელმწიფო არბიტრაჟების გადაწყვეტილებათა კანონიერებისადმი;

შეისწავლიან და განაზოგადებენ სამეურნეო დავის გადაწყვეტისას კანონმდებლობის გამოყენების პრაქტიკას და ამის საფუძველზე შეიმუშავენ და დადგენილი წესით შეიტანენ წინადადებებს სამეურნეო საქმიანობის სამართლებრივი რეგულირების, აგრეთვე სახელმწიფო არბიტრაჟის ორგანოების და სამინისტროების, სახელმწიფო კომიტეტებისა და უწყებების არბიტრაჟების საქმიანობის სრულყოფისათვის;

სსრ კავშირის სახელმწიფო არბიტრაჟის მიერ განსაზღვრული წესით ინსტრუქტაჟს გაუწევენ — შესაბამისად — საქართველოს სსრ, აფხაზეთის ასსრ და აჭარის ასსრ სამინისტროების, სახელმწიფო კომიტეტების, უწყებების არბიტრაჟებს, საქართველოს სსრ, აფხაზეთის ასსრ და აჭარის ასსრ სხვა ორგანოებს, რომლებიც სამეურნეო დავას წყვეტენ, ასეთი დავის განსახილველად მუშაობის ორგანიზაციისა და პრაქტიკის საკითხებზე, შეისწავლიან ამ მუშაობის გამოცდილებას და მისცემენ შესაბამის ორგანოებს რეკომენდაციებს მისი სრულყოფისათვის ზომების მისაღებად;

უზრუნველყოფენ არბიტრაჟის კადრების გადამზადებასა და კვალიფიკაციის ამაღლებას, მუშაკთა ცოდნისა და გამოცდილების რაც შეიძლება უკეთ გამოყენებისათვის საჭირო პირობების შექმნას, ხელმძღვანელ სამუშაოზე პოლიტიკურად მომწიფებულ და ისეთ სპეციალისტთა დაწინაურებას, რომლებმაც კარგად გამოიჩინეს თავი;

აწარმოებენ საარბიტრაჟო სტატისტიკას.

6. საქართველოს სსრ სახელმწიფო არბიტრაჟი:

საქართველოს სსრ მინისტრთა საბჭოს დავალებით გადაწყვეტს საქართველოს სსრ სამინისტროების, სახელმწიფო კომიტეტებისა და უწყებების მიერ სამეურნეო საქმიანობის საკითხებზე შეთანხმებათა დადებისას მათ შორის წამოჭრილ უთანხმოებას;

გამოსცემს თავისი კომპეტენციის ფარგლებში არბიტრაჟის ორგანოებისათვის, აგრეთვე სამინისტროების, სახელმწიფო კომიტეტების, უწყებების, საწარ-



მოების, დაწესებულებებისა და ორგანიზაციებისათვის სავალდებულო ტრუქციო მითითებებს სამეურნეო დავის გადაწყვეტისა და მისი არბიტრაჟამდელი მოგვარებისას საქართველოს სსრ კანონმდებლობის გამოყენების საკითხებზე;

სისტემატურად შეამოწმებს საქართველოს სსრ სახელმწიფო არბიტრაჟის ორგანოების საქმიანობას, მოისმენს აფხაზეთის ასსრ და აჭარის ასსრ მთავარი სახელმწიფო არბიტრების ანგარიშებს;

შეისწავლის, განაზოგადებს და გაავრცელებს საქართველოს სსრ სახელმწიფო არბიტრაჟის ორგანოების მუშაობის დადებითს გამოცდილებას.

7. სამეურნეო საქმიანობაში კანონიერების, სახელმწიფო დისციპლინის დარღვევათა და ნაკლოვანებათა თავიდან აცილების მიზნით საქართველოს სსრ სახელმწიფო არბიტრაჟის ორგანოები:

განიხილავენ დიდი საზოგადოებრივი მნიშვნელობის სამეურნეო დავას უშუალოდ საწარმოებში, დაწესებულებებსა და ორგანიზაციებში;

პროპაგანდას გაუწევენ სამეურნეო კანონმდებლობას;

გაეცნობიან საქართველოს სსრ, აფხაზეთის ასსრ და აჭარის ასსრ სამინისტროებში, სახელმწიფო კომიტეტებსა და უწყებებში, საწარმოებში, დაწესებულებებსა და ორგანიზაციებში ხელშეკრულებათა დადებისა და ვალდებულებათა შესრულებისას, აგრეთვე დავის არბიტრაჟამდელი მოგვარებისას კანონმდებლობის გამოყენების პრაქტიკას;

შეიმუშავენ წინადადებებს საწარმოთა, დაწესებულებათა და ორგანიზაციათა სამეურნეო საქმიანობაში კანონიერების, სახელმწიფო დისციპლინის დარღვევათა და ნაკლოვანებათა თავიდან ასაცილებლად და აღმოსაფხვრელად, აგრეთვე დარღვევათა და ნაკლოვანებათა მიზეზების გამოსავლენად და აღმოსაფხვრელად, შეიტანენ დადგენილი წესით ამ წინადადებებს საქართველოს სსრ მინისტრთა საბჭოს, აფხაზეთის ასსრ და აჭარის ასსრ მინისტრთა საბჭოების, საქართველოს სსრ, აფხაზეთის ასსრ და აჭარის ასსრ სამინისტროების, სახელმწიფო კომიტეტების, უწყებების განსახილველად;

შესაბამისი კომპეტენციის ფარგლებში საქართველოს სსრ ან აფხაზეთის ასსრ და აჭარის ასსრ სამინისტროებთან, სახელმწიფო კომიტეტებთან, უწყებებთან, საწარმოებთან, დაწესებულებებთან და ორგანიზაციებთან ერთად განიხილავენ იმ ღონისძიებათა შემუშავებასთან დაკავშირებულ საკითხებს, რომ თავიდან იქნეს აცილებული, აგრეთვე აღმოიფხვრას სახელმწიფო არბიტრაჟის მიერ გამოვლენილი კანონიერების დარღვევები და ნაკლოვანებანი სამეურნეო საქმიანობაში;

გაუზღავნიან დადგენილი წესით საწარმოებს, დაწესებულებებს, ორგანიზაციებს, მათ ზემდგომ ორგანოებსა და თანამდებობის პირებს შეტყობინებებს სამეურნეო საქმიანობაში კანონიერების, სახელმწიფო დისციპლინის გამოვლენილ დარღვევათა და ნაკლოვანებათა შესახებ, ამასთან წინადადებას მისცემენ აღმოფხვრან ისინი, აგრეთვე დააკისრონ პასუხისმგებლობა დამნაშავე პირებს და აანაზღაურებინონ მათ მიყენებული მატერიალური ზარალი. საწარმოთა, დაწესებულებათა, ორგანიზაციათა და მათ ზემდგომ ორგანოთა ხელმძღვანელები,

რომლებიც ასეთ შეტყობინებას მიიღებენ, მოვალენი არიან აცნობონ სახელმწიფო არბიტრაჟს მიღებული ზომების შესახებ შეტყობინების მიღებიდან ერთი თვის ვადაში.

სამეურნეო საქმიანობაში კანონიერების, სახელმწიფო დისციპლინის გამოვლენილ დარღვევათა და ნაკლოვანებათა შესახებ შეტყობინებანი საჭირო შემთხვევაში გაეგზავნებათ პროკურატურის, შინაგან საქმეთა და სხვა კომპეტენტურ ორგანოებს დამნაშავე პირთა პასუხისგებაში მიცემის საკითხის განსახილველად.

საქართველოს სსრ, აფხაზეთის ასსრ და აჭარის ასსრ სანინისტროების, სახელმწიფო კომიტეტების, უწყებების, საწარმოების, დაწესებულებებისა და ორგანიზაციების მიერ სამეურნეო საქმიანობაში დაშვებულ კანონიერების, სახელმწიფო დისციპლინის ყველაზე სერიოზულ დარღვევათა და ნაკლოვანებათა შესახებ, რომელთაც სახელმწიფო არბიტრაჟის ორგანოები მოახსენებენ — შესაბამისად — საქართველოს სსრ მინისტრთა საბჭოს, აფხაზეთის ასსრ მინისტრთა საბჭოს, აჭარის ასსრ მინისტრთა საბჭოს.

საქართველოს სსრ სახელმწიფო არბიტრაჟის ორგანოები კოორდინაციას უწევენ კანონიერების დარღვევათა თავიდან აცილებისათვის თავიანთ საქმიანობას პროკურატურის, იუსტიციის, შინაგან საქმეთა, სასამართლოს, სახელმწიფო კონტროლის შესაბამისი ორგანოებისა და სხვა სახელმწიფო ორგანოების საქმიანობასთან.

#### 8. საქართველოს სსრ სახელმწიფო არბიტრაჟი დაამტკიცებს:

საწარმოო-ტექნიკური დანიშნულების ცალკეულ სახეობათა პროდუქციის (საქართველოს სსრ სახმომარაგებასთან ერთად) და რესპუბლიკური და ადგილობრივი მრეწველობის საწარმოების მიერ გამოშვებული და ძირითადად საქართველოს სს რესპუბლიკაში გამოყენებული სახალხო მოხმარების საქონლის მიწოდების განსაკუთრებულ პირობებს, თუ მოცემული სახეობის პროდუქციის ან საქონლისათვის დამტკიცებული არ არის მიწოდების განსაკუთრებული პირობები სსრ კავშირის სახმომარაგებისა და სსრ კავშირის სახელმწიფო არბიტრაჟის მიერ;

სამეურნეო საქმიანობის რეგულირების სხვა ნორმატიულ აქტებს საქართველოს სსრ მინისტრთა საბჭოს დავალებით.

9. საქართველოს სსრ სახელმწიფო არბიტრაჟი მისცემს სამინისტროებს, სახელმწიფო კომიტეტებსა და უწყებებს ახსნა-განმარტებებს სამეურნეო საქმიანობის რეგულირების თაობაზე საქართველოს სსრ მინისტრთა საბჭოს გადაწყვეტილებათა გამოყენების შესახებ, მისი დავალებით.

10. საქართველოს სსრ კანონმდებლობით გათვალისწინებულ შემთხვევებში ან საქართველოს სსრ მინისტრთა საბჭოს დავალებით საქართველოს სსრ სახელმწიფო არბიტრაჟი განიხილავს შესათანხმებლად წარდგენილ ნორმატიული აქტების პროექტებს სამეურნეო საქმიანობის რეგულირების თაობაზე, აგრეთვე მისცემს საქართველოს სსრ სამინისტროებს, სახელმწიფო კომიტეტებსა და უწყებებს დასკვნებს მათ მიერ შემუშავებული ასეთი ნორმატიული აქტების პროექტების გამო.





საქართველოს სსრ სახელმწიფო არბიტრაჟი საქირო შემთხვევებში ცემს საქართველოს სსრ სამინისტროებთან, სახელმწიფო კომიტეტებთან და უწყებებთან ერთად ერთობლივ აქტებს შესაბამისი კომპეტენციის ფარგლებში.

11. საქართველოს სსრ სახელმწიფო არბიტრაჟის ორგანოებს სათავეში უდგანან — შესაბამისად — საქართველოს სსრ მთავარი სახელმწიფო არბიტრი, აფხაზეთის ასსრ მთავარი სახელმწიფო არბიტრი, აჭარის ასსრ მთავარი სახელმწიფო არბიტრი.

საქართველოს სსრ მთავარ სახელმწიფო არბიტრს თანამდებობაზე ნიშნავს და თანამდებობიდან ათავისუფლებს საქართველოს სსრ მინისტრთა საბჭო.

აფხაზეთის ასსრ მთავარ სახელმწიფო არბიტრს, აჭარის ასსრ მთავარ სახელმწიფო არბიტრს თანამდებობაზე ნიშნავს და თანამდებობიდან ათავისუფლებს — შესაბამისად — აფხაზეთის ასსრ მინისტრთა საბჭო, აჭარის ასსრ მინისტრთა საბჭო საქართველოს სსრ სახელმწიფო არბიტრაჟთან შეთანხმებით.

მთავარი სახელმწიფო არბიტრები პასუხისმგებელი არიან იმ ამოცანების შესრულებისათვის, რომლებიც შესაბამის არბიტრაჟებს ეკისრებათ.

12. საქართველოს სსრ მთავარ სახელმწიფო არბიტრს ჰყავს მოადგილე, რომელსაც თანამდებობაზე ნიშნავს და თანამდებობიდან ათავისუფლებს საქართველოს სსრ მინისტრთა საბჭო.

13. საქართველოს სსრ, აფხაზეთის ასსრ და აჭარის ასსრ სახელმწიფო არბიტრაჟების სახელმწიფო არბიტრებს თანამდებობაზე ნიშნავს და თანამდებობიდან ათავისუფლებს ორგანო, რომელთანაც მოქმედებს სახელმწიფო არბიტრაჟი, შესაბამისი არბიტრაჟის მთავარი სახელმწიფო არბიტრის წარდგენით. სახელმწიფო არბიტრებს შორის მოვალეობებს ანაწილებს მთავარი სახელმწიფო არბიტრი.

14. მთავარი სახელმწიფო არბიტრი კანონმდებლობის საფუძველზე და შესაძლებლად გამოსცემს ბრძანებებს, დაამტკიცებს სახელმწიფო არბიტრაჟის სტრუქტურულ ქვედანაყოფთა დებულებებს, დადგენილი წესით დანიშნავს თანამდებობაზე და გაათავისუფლებს თანამდებობიდან აპარატის მუშაკებს, განსაზღვრავს სტრუქტურული ქვედანაყოფების ხელმძღვანელთა პასუხისმგებლობას სახელმწიფო არბიტრაჟის საქმიანობის ცალკეული დარგებისათვის, ხელმძღვანელობას გაუწევს აპარატის მუშაობას, გამოიყენებს დადგენილი წესით წახალისებისა და სასჯელის ზომებს სახელმწიფო არბიტრაჟის მუშაკთა მიმართ.

საქართველოს სსრ მთავარი სახელმწიფო არბიტრი გამოსცემს აგრეთვე ინსტრუქციებსა და დადგენილებებს, საერთო ხელმძღვანელობას გაუწევს მუშაობას სახელმწიფო არბიტრაჟის ორგანოებში კადრების შერჩევის, განაწილებისა და აღზრდისათვის, გამოიყენებს დადგენილი წესით წახალისებისა და სასჯელის ზომებს ამ ორგანოების მუშაკთა მიმართ.

15. საქართველოს სსრ სახელმწიფო არბიტრაჟში იქმნება კოლეგია, რომლის შემადგენლობაში შედიან: საქართველოს სსრ მთავარი სახელმწიფო არბიტრი (კოლეგიის თავმჯდომარე) და საქართველოს სსრ მთავარი სახელმწიფო არბიტრის მოადგილე თანამდებობის მიხედვით, აგრეთვე სახელმწიფო არბიტრაჟის სხვა ხელმძღვანელი მუშაკები.

საქართველოს სსრ სახელმწიფო არბიტრაჟის კოლეგიის წევრებს  
ებს საქართველოს სსრ მინისტრთა საბჭო.

16. საქართველოს სსრ სახელმწიფო არბიტრაჟის კოლეგია თავის რეგულა-  
რულ სხდომებზე განიხილავს საქართველოს სსრ სახელმწიფო არბიტრაჟის ორ-  
განობის საქმიანობის ძირითად საკითხებს, ამ ორგანობისადმი პრაქტიკული  
ხელმძღვანელობის, შესრულების შემოწმების, კადრების შერჩევის, განაწილე-  
ბისა და აღზრდის საკითხებს, საქართველოს სსრ სახელმწიფო არბიტრაჟის მიერ  
შემუშავებული უმნიშვნელოვანესი ნორმატიული აქტების, საინსტრუქციო მი-  
თითებების, ბრძანებების, ინსტრუქციებისა და დადგენილებების პროექტებს, სა-  
ქართველოს სსრ სამინისტროების, სახელმწიფო კომიტეტებისა და უწყებების  
არბიტრაჟების, სამეურნეო დავის გადაწყვეტი სხვა ორგანოების მუშაობის გა-  
მოცდილების შესწავლის შედეგებს, ისმენს საქართველოს სსრ სახელმწიფო  
არბიტრაჟის სახელმწიფო არბიტრთა, მისი სტრუქტურული ქვედანაყოფების  
ხელმძღვანელთა, აგრეთვე აფხაზეთის ასსრ და აჭარის ასსრ მთავარ სახელმწიფო  
არბიტრთა ანგარიშებს.

16645

საქართველოს სსრ სახელმწიფო არბიტრაჟის კოლეგიის გადაწყვეტილება-  
ნი ხორციელდება, როგორც წესი, საქართველოს სსრ მთავარი სახელმწიფო არ-  
ბიტრის ბრძანებებით. საქართველოს სსრ მთავარ სახელმწიფო არბიტრსა და  
კოლეგიას შორის უთანხმოების შემთხვევაში საქართველოს სსრ მთავარი სა-  
ხელმწიფო არბიტრი განახორციელებს თავის გადაწყვეტილებას, ამასთან წამო-  
ჭრილი უთანხმოების შესახებ მოახსენებს საქართველოს სსრ მინისტრთა საბჭოს,  
ხოლო კოლეგიის წევრებს, თავის მხრივ, შეუძლიათ თავიანთი აზრი აცნობონ  
საქართველოს სსრ მინისტრთა საბჭოს.

17. საქართველოს სსრ სახელმწიფო არბიტრაჟი დადგენილი წესით იწვევს  
სახელმწიფო არბიტრაჟის ორგანოებისა და საქართველოს სსრ სამინისტროების,  
სახელმწიფო კომიტეტების, უწყებების არბიტრაჟების მუშაკთა თათბირებს,  
რომლებზეც მოისმენენ მოხსენებებს პარტიისა და მთავრობის გადაწყვეტილე-  
ბათა შესრულების ღონისძიებათა შესახებ, განიხილავენ სამეურნეო დავის გა-  
დაწყვეტისას მოქმედი კანონმდებლობის გამოყენების საკითხებს და არბიტრა-  
ჟების მუშაობის სხვა დიდმნიშვნელოვან საკითხებს.

18. არბიტრაჟის ორგანოების ორგანიზაციისა და საქმიანობის საკითხებზე  
მეცნიერულად დასაბუთებული რეკომენდაციების შესამუშავებლად და სამე-  
ურნეო საქმიანობაში არბიტრაჟის მიერ გამოვლენილ კანონიერების, სახელმ-  
წიფო დისციპლინის დარღვევათა და ნაკლოვანებათა აღმოსაფხვრელად საქარ-  
თველოს სსრ სახელმწიფო არბიტრაჟში იქმნება სამეცნიერო-საკონსულტაციო  
საბჭო თვალსაჩინო მეცნიერთა და სხვა მაღალკვალიფიციურ სპეციალისტთა  
(მათ შორის სამინისტროების, სახელმწიფო კომიტეტებისა და უწყებების წარ-  
მომადგენელთა) შემადგენლობით.

სამეცნიერო-საკონსულტაციო საბჭოს შემადგენლობასა და მის დებულებას  
ამტკიცებს საქართველოს სსრ მთავარი სახელმწიფო არბიტრი.

საკიროების კვალობაზე სამეცნიერო-საკონსულტაციო საბჭოები შეიძლება  
შეიქმნას აფხაზეთის ასსრ და აჭარის ასსრ სახელმწიფო არბიტრაჟებში. საბჭოს

ს. შატავას სახ. საქ. სსრ

შემადგენლობასა და მის დებულებას დაამტკიცებს შესაბამისი მთავარი სახელმწიფო არბიტრი.

19. საქართველოს სსრ სახელმწიფო არბიტრაჟის აპარატის სტრუქტურასა და მუშაკთა რიცხოვნობას ამტკიცებს საქართველოს სსრ მინისტრთა საბჭო.

აფხაზეთის ასსრ, აჭარის ასსრ სახელმწიფო არბიტრაჟის სტრუქტურასა და მუშაკთა რიცხოვნობას ამტკიცებს — შესაბამისად — აფხაზეთის ასსრ მინისტრთა საბჭო, აჭარის ასსრ მინისტრთა საბჭო საქართველოს სსრ სახელმწიფო არბიტრაჟთან შეთანხმებით.

საქართველოს სსრ სახელმწიფო არბიტრაჟის, აფხაზეთის ასსრ, აჭარის ასსრ სახელმწიფო არბიტრაჟის საშტატო განრიგს ამტკიცებს შესაბამისი არბიტრაჟის მთავარი სახელმწიფო არბიტრი.

20. საქართველოს სსრ სახელმწიფო არბიტრაჟს, აფხაზეთის ასსრ სახელმწიფო არბიტრაჟსა და აჭარის ასსრ სახელმწიფო არბიტრაჟს აქვთ ბეჭედი, რომელზეც გამოსახულია საქართველოს სსრ სახელმწიფო გერბი და აღნიშნულია მისი დასახელება.

**76** სსრ კავშირის მინისტრთა საბჭოსთან არსებული რელიგიების საქმეთა საბჭოს საქართველოს სსრ რწმუნებულის აპარატთან არსებული საკონსულტაციო საბჭოს დებულებისა და აღნიშნული საბჭოს შემადგენლობის დამტკიცების შესახებ

საქართველოს სსრ მინისტრთა საბჭო ადგენს:

1. დამტკიცდეს თანდართული დებულება სსრ კავშირის მინისტრთა საბჭოსთან არსებული რელიგიების საქმეთა საბჭოს საქართველოს სსრ რწმუნებულის აპარატთან არსებული საკონსულტაციო საბჭოს შესახებ.

2. დამტკიცდეს სსრ კავშირის მინისტრთა საბჭოსთან არსებული რელიგიების საქმეთა საბჭოს საქართველოს სსრ რწმუნებულის აპარატთან არსებული საკონსულტაციო საბჭოს თანდართული შემადგენლობა.<sup>1</sup>

საქართველოს სსრ მინისტრთა საბჭოს  
თავმჯდომარე **წ. პატარაძე.**

საქართველოს სსრ მინისტრთა საბჭოს  
საქმეთა მმართველი **წ. ახვლედიანი.**

და მტკიცებულა მართლმადიდებელი  
საქართველოს სსრ მინისტრთა საბჭოს  
1980 წლის 8 სექტემბრის № 683  
დადგენილებით

## დ ე ბ უ ლ ე ბ ა

სსრ კავშირის მინისტრთა საბჭოსთან არსებული რელიგიების საქმეთა საბჭოს საქართველოს სსრ რწმუნებულის აპარატთან არსებული საკონსულტაციო საბჭოს შესახებ

1. სსრ კავშირის მინისტრთა საბჭოსთან არსებული რელიგიების საქმეთა საბჭოს საქართველოს სსრ რწმუნებულის აპარატთან საკონსულტაციო საბჭო შექმნილია რესპუბლიკაში რელიგიური ვითარების, რელიგიურ ორგანიზაციებში მიმდინარე პროცესებისა და ტენდენციების უფრო ღრმად შესწავლის, რელიგიური კულტების შესახებ კანონმდებლობის დაცვისათვის სახელმწიფო და საზოგადოებრივი კონტროლის საკითხებისადმი კომპლექსური მიდგომის და საჭირო რეკომენდაციების გამომუშავების მიზნით.

2. საკონსულტაციო საბჭოს შემადგენლობაში შედიან რესპუბლიკის სახელმწიფო ორგანოების, საზოგადოებრივი ორგანიზაციებისა და დაწესებულებების წარმომადგენლები, რომლებთან კონტაქტით შესაძლებელია ობერატიულად იქნეს განხილული რელიგიასთან და ეკლესიასთან დაკავშირებული საკითხები.

საკონსულტაციო საბჭოს შემადგენლობას ამტკიცებს საქართველოს სსრ მინისტრთა საბჭო.

3. საკონსულტაციო საბჭო თავის საქმიანობაში ხელმძღვანელობს სსრ კავშირის კონსტიტუციითა და საქართველოს სსრ კონსტიტუციით, სსრ კავშირის კანონებითა და სსრ კავშირის უმაღლესი საბჭოს და მისი პრეზიდიუმის სხვა გადაწყვეტილებებით, საქართველოს სსრ კანონებითა და საქართველოს სსრ უმაღლესი საბჭოს და მისი პრეზიდიუმის სხვა გადაწყვეტილებებით, სსრ კავშირის მინისტრთა საბჭოსა და საქართველოს სსრ მინისტრთა საბჭოს დადგენილებებითა და განკარგულებებით, საქართველოს სსრ უმაღლესი საბჭოს პრეზიდიუმის 1977 წლის 16 მარტის ბრძანებულებით დამტკიცებული დებულებით საქართველოს სსრ რესპუბლიკაში რელიგიურ გაერთიანებათა შესახებ, სხვა ნორმატიული აქტებით რელიგიების საკითხებზე, სსრ კავშირის მინისტრთა საბჭოსთან არსებული რელიგიების საქმეთა საბჭოს დადგენილებებითა და განმარტებებით, საბჭოსი, რომელიც ახორციელებს სახელმწიფო კონტროლს რელიგიური კულტების შესახებ კანონმდებლობის დაცვისადმი, აგრეთვე ამ დებულებით.

საბჭო განიხილავს საქართველოს სსრ ტერიტორიაზე რელიგიური კულტების შესახებ კანონმდებლობის სწორად გამოყენებისადმი ჯეროვანი კონტროლის უზრუნველყოფასთან დაკავშირებულ საკითხებს და შეიმუშავებს ამისათვის საჭირო რეკომენდაციებს.

4. საბჭოს, რომელიც საკონსულტაციო ორგანოა, არ გამოაქვს არავითარი გადაწყვეტილებანი, არამედ შეიმუშავებს რეკომენდაციებს განსახილველად და-



ყენებულ თითოეულ საკითხზე, სახელმწიფოსაგან ეკლესიის და ეკლესიისგან სკოლის გამოყოფის შესახებ კანონის შესრულებისადმი უფრო მიზანდასახული, ორგანიზებული და ქმედითი კონტროლის განსახორციელებლად.

5. საკონსულტაციო საბჭოს სხდომები გაიმართება კვარტალში ერთხელ მაინც.

საკონსულტაციო საბჭოს ძირითადი ამოცანა რელიგიური კულტების შესახებ კანონმდებლობის დაცვისადმი კონტროლისა და ამ სამუშაოს კოორდინაციის დარგში ის არის, რომ ხელი შეუწყოს სსრ კავშირის მინისტრთა საბჭოსთან არსებული რელიგიების საქმეთა საქართველოს სსრ აპარატს, რათა:

ა) უზრუნველყოს სსრ კავშირის კონსტიტუციით საბჭოთა სახელმწიფოს მოქალაქეთათვის გარანტირებული სინდისის თავისუფლება, ანუ უფლება—სწამდეთ ნებისმიერი რელიგია ან არ სწამდეთ არავითარი რელიგია, ასრულებდნენ რელიგიურ კულტებს ან ეწეოდნენ ათეისტურ პროპაგანდას;

ბ) განახორციელოს კონტროლი რელიგიური ორგანიზაციებისა და სამღვდლოების საქმიანობისადმი, აგრეთვე საბჭოთა ორგანოებისა და თანამდებობის პირთა მიერ რელიგიური კულტების შესახებ კანონმდებლობის გამოყენებისა და შესრულებისადმი;

გ) შეისწავლოს და განაზოგადოს კულტების შესახებ კანონმდებლობის გამოყენების პრაქტიკა, მისი დაცვისადმი კონტროლის განხორციელების ფორმები და მეთოდები, დაშვებულ დარღვევათა და იმ ღონისძიებათა ხასიათი, რომლებიც ხორციელდება მათ აღმოსაფხვრელად და თავიდან ასაცილებლად.

6. საკონსულტაციო საბჭო მისთვის დაკისრებული ამოცანების შესაბამისად:

ა) განიხილავს რესპუბლიკაში რელიგიური ვითარების დამახასიათებელ მასალებს სსრ კავშირის მინისტრთა საბჭოსთან არსებული რელიგიის საქმეთა საბჭოს საქართველოს სსრ რწმუნებულის მოხსენების მიხედვით, ამასთან შესაბამისად გააანალიზებს ცალკეულ ტენდენციებსა და პროცესებს, მისცემს კონსულტაციებს და შეიმუშავებს საჭირო პრაქტიკულ წინადადებებს;

ბ) მოისმენს სახალხო დეპუტატთა რაიონული (საქალაქო) საბჭოების აღმასკომებთან არსებული რელიგიური კულტების შესახებ კანონმდებლობის დაცვისადმი კონტროლის ხელშემწყობი კომისიების ინფორმაციებს მათი საქმიანობის შესახებ და გაუწევს მათ საჭირო დახმარებას;

გ) განიხილავს სსრ კავშირის მინისტრთა საბჭოსთან არსებული რელიგიების საქმეთა საბჭოს საქართველოს სსრ რწმუნებულის მიერ დაყენებულ საკითხებს საკონსულტაციო საბჭოს წევრებთან მოქმედების კოორდინაციის წესით, მათ შორის:

— რელიგიური კულტების შესახებ კანონმდებლობის დაცვისადმი კონტროლის ორგანიზაციის ფორმებისა და მეთოდების და ამ საკითხებზე ადგილობრივი საბჭოთა ორგანოებისათვის (სახალხო დეპუტატთა სასოფლო, სადაბო საბჭოები, რაიონული და საქალაქო საბჭოების აღმასკომები) კონკრეტული რეკომენდაციების მომზადების თაობაზე, რომლებსაც კანონის შესაბამისად უშუალოდ ეკისრებათ ეს კონტროლი;

— საქართველოს სს რესპუბლიკაში რელიგიურ გაერთიანებათა მოქმედი დებულების შესაბამისად რელიგიურ გაერთიანებათა ქსელის მდგომარეობისა და მისი მოწესრიგების კონკრეტულ ღონისძიებათა შესახებ;

— იმ სალოცავი შენობებისა და საკულტო ქონების მდგომარეობის შესახებ, რომლებიც ხალხის კუთვნილებას — ისტორიისა და კულტურის ძეგლებს წარმოადგენენ, და ამ საკითხებზე მოქმედი კანონმდებლობის, პარტიისა და მთავრობის გადაწყვეტილებათა მოთხოვნების შესრულების შესახებ;

— რელიგიასთან და ეკლესიასთან დაკავშირებულ საკითხებზე სახალხო დეპუტატთა რაიონული (საქალაქო) საბჭოების აღმასკომებში წერილების, საჩივრებისა და განცხადებების განხილვის მდგომარეობის და მათ მიერ ამ საკითხებზე მოქმედი კანონმდებლობის მოთხოვნების შესრულების შესახებ;

— ადგილებზე რელიგიური კულტების შესახებ საბჭოთა კანონმდებლობის განმარტებისათვის მუშაობის გაუმჯობესებისა და სამართლებრივი პროპაგანდის როლის ამაღლების შესახებ;

— საჭიროების კვალობაზე განიხილავს აგრეთვე სხვა საკითხებს, რომლებიც საკონსულტაციო საბჭოს გამგებლობას განეკუთვნება.

7. საკონსულტაციო საბჭოს მუშაობა ხორციელდება საბჭოს სხდომაზე მოწონებული და დამტკიცებული გეგმის მიხედვით; საბჭოს თითოეულ წევრს ეკისრება შეისწავლოს და მოამზადოს შესაბამისი საკითხები იმ ორგანოს, ორგანიზაციის, დაწესებულების მიხედვით, რომელსაც იგი წარმოადგენს.

8. საკონსულტაციო საბჭოს სხდომათა ოქმები წარედგინებათ საქართველოს კბ ცენტრალურ კომიტეტს, საქართველოს სსრ უმაღლესი საბჭოს პრეზიდიუმსა და საქართველოს სსრ მინისტრთა საბჭოს, ხოლო საჭირო შემთხვევებში ოქმების ამონაწერები გაეგზავნებათ შესაბამის ორგანოთა, ორგანიზაციათა და დაწესებულებათა ხელმძღვანელებს.

9. საკონსულტაციო საბჭო, განსახილველ საკითხთა არსის გათვალისწინებით, წარუდგენს შესაბამის წინადადებებს საქართველოს კბ ცენტრალურ კომიტეტს, საქართველოს სსრ უმაღლესი საბჭოს პრეზიდიუმსა და საქართველოს სსრ მინისტრთა საბჭოს.

## 77 მ. ჯავახიშვილის იუბილესთან დაკავშირებულ ღონისძიებათა შესახებ

საქართველოს სსრ მინისტრთა საბჭო ადგენს:

მიღებულ იქნეს გამოჩენილი ქართველი საბჭოთა მწერლის მიხეილ ჯავახიშვილის დაბადების 100 წლისთავის ჩამტარებელი საიუბილეო კომისიის წინადადება და მწერლის ხსოვნის უკვდავყოფის მიზნით:

1. დაიდგას მ. ჯავახიშვილის ძეგლი ქალაქ თბილისში და ბიუსტი მწერლის მშობლიურ მარნეულის რაიონში.

2. საქართველოს სსრ კულტურის სამინისტრომ გახსნას სოფელ სიონში მწერლის სახელობის ბიბლიოთეკა და მოაწყოს ბიბლიოთეკასთან მისი ცხოვრებისა და მოღვაწეობის ამსახველი ექსპოზიცია.

3. საქართველოს სსრ გამომცემლობათა, პოლიგრაფიისა და წიგნის ვაჭრობის საქმეთა სახელმწიფო კომიტეტმა გამოსცეს მ. ჯავახიშვილის რჩეულ ნაწარმოებთა ხუთტომეული.

4. თბილისის 124-ე სკოლას მიეკუთვნოს მ. ჯავახიშვილის სახელი.

5. საქართველოს სსრ უმაღლესი და საშუალო სპეციალური განათლების სამინისტრომ დააარსოს თბილისის სახელმწიფო უნივერსიტეტში მ. ჯავახიშვილის სახელობის ერთი სტიპენდია უნივერსიტეტის სასტიპენდიო ფონდის ფარგლებში.

საქართველოს სსრ მინისტრთა საბჭოს  
თავმჯდომარე **ზ. პატარაძე.**

საქართველოს სსრ მინისტრთა საბჭოს  
საქმეთა მმართველი **ზ. ახვლედიანი.**

ქ. თბილისი. 1980 წ. 9 სექტემბერი, № 688

**78** „საქართველოს სსრ მინისტრთა საბჭოს გამომცემლობათა, პოლიგრაფიისა და წიგნის ვაჭრობის საქმეთა სახელმწიფო კომიტეტის სისტემაში საწარმოო გაერთიანებათა შემდგომი განვითარების საკითხების შესახებ“ საქართველოს სსრ მინისტრთა საბჭოს 1977 წლის 24 ივნისის № 470 დადგენილების ნაწილობრივ შეცვლის თაობაზე

საქართველოს სსრ მინისტრთა საბჭო ა დ გ ე ნ ს:

1. მიღებულ იქნეს საქართველოს სსრ გამომცემლობათა, პოლიგრაფიისა და წიგნის ვაჭრობის საქმეთა სახელმწიფო კომიტეტის წინადადება, შეთანხმებული რესპუბლიკის სახელმწიფო საგეგმო კომიტეტთან და საქართველოს სსრ ფინანსთა სამინისტროსთან, და საგამომცემლო-პოლიგრაფიული საწარმოო გაერთიანება „განათლება“ გაუქმდეს 1980 წლის 1 ოქტომბრიდან. აღნიშნულ გაერთიანებაში შემავალი გამომცემლობა „განათლება“ და ბეჭდვითი სიტყვის კომბინატი ჩაითვალოს საქართველოს სსრ გამსახკომისადმი უშუალოდ დაქვემდებარებულ ორგანიზაციებად.

გამომცემლობა „განათლება“ თავისი საწარმოო-საფინანსო საქმიანობა განახორციელოს სსრ კავშირის გამსახკომის 1968 წლის 19 სექტემბრის № 375

ბრძანებით დამტკიცებული სოციალისტური სახელმწიფო გამომცემლობის დებულების შესაბამისად.

საქართველოს სსრ გამსახკომის ბეჭდვითი სიტყვის კომბინატმა თავისი საწარმო-საფინანსო საქმიანობა განახორციელოს სსრ კავშირის მინისტრთა საბჭოს 1965 წლის 4 ოქტომბრის № 731 დადგენილებით დამტკიცებული სოციალისტური სახელმწიფო სამრეწველო საწარმოს დებულების შესაბამისად.

ამასთან დაკავშირებით გაუქმდეს საქართველოს სსრ მინისტრთა საბჭოს 1977 წლის 24 ივნისის № 470 დადგენილების დანართის პირველი პუნქტი.

2. საქართველოს სსრ გამომცემლობათა, პოლიგრაფიისა და წიგნის ვაჭრობის საქმეთა სახელმწიფო კომიტეტმა შეიმუშაოს კონკრეტული ღონისძიებანი და უმოკლეს ვადაში აღმოფხვრას გამომცემლობა „განათლებლასა“ და ბეჭდვითი სიტყვის კომბინატის მუშაობაში არსებული ნაკლოვანებანი.

საქართველოს სსრ მინისტრთა საბჭოს  
თავმჯდომარე **ზ. პატარიძე.**

საქართველოს სსრ მინისტრთა საბჭოს  
საქმეთა მმართველი **ზ. ახვლედიანი.**

ქ. თბილისი, 1980 წ. 12 სექტემბერი, № 695

## 79 საქართველოს სსრ მინისტრთა საბჭოს 1967 წლის 14 ივლისის № 454 დადგენილებაში დამატების შეტანის შესახებ

საქართველოს სსრ მინისტრთა საბჭო ადგენს:

„რესპუბლიკაში ფოტომხატვრული და პოლიგრაფიული სამხატვრო პროდუქციის წარმოების გაფართოებისა და მისი ხარისხის გაუმჯობესების ზომების შესახებ“ საქართველოს სსრ მინისტრთა საბჭოს 1967 წლის 14 ივლისის № 454 დადგენილების მესამე პუნქტს დაემატოს შემდეგი შინაარსის აბზაცი:

„როგორც გამოჩაგისი, ნება დაერთოს საქართველოს სსრ პროფესიულ-ტექნიკური განათლების სახელმწიფო კომიტეტს აწარმოოს ფოტოპროდუქცია საუწყებო სასწავლებლებში თვალსაჩინო აგიტაციის სტენდებისა და ახალგაზრდა მუშათა კადრების პროფორიენტაციის მიზნით ფოტოგამოფენების მოსაწყობად“.

საქართველოს სსრ მინისტრთა საბჭოს  
თავმჯდომარის მოადგილე **ნ. ჰითანავა.**

საქართველოს სსრ მინისტრთა საბჭოს  
საქმეთა მმართველი **ზ. ახვლედიანი.**

ქ. თბილისი, 1980 წ. 19 სექტემბერი, № 704





# 80 საპარტველოს სსრ მინისტრთა საბჭოსთან არსებული მთავარი საარქივო სამმართველოს დეპუტატის დამტკიცების შესახებ

საქართველოს სსრ მინისტრთა საბჭო ა დ გ ე ნ ს:

1. დამტკიცდეს თანდართული დებულება საქართველოს სსრ მინისტრთა საბჭოსთან არსებული მთავარი საარქივო სამმართველოს შესახებ და რესპუბლიკის სახელმწიფო არქივების ქსელი.
2. საქართველოს სსრ მინისტრთა საბჭოსთან არსებულმა მთავარმა საარქივო სამმართველომ, რესპუბლიკის სამინისტროებმა და უწყებებმა, დაწესებულებებმა, ორგანიზაციებმა და საწარმოებმა საარქივო საქმესთან დაკავშირებულ თავეიანთ მუშაობაში იხელმძღვანელონ სსრ კავშირის მინისტრთა საბჭოს 1980 წლის 4 აპრილის № 274 დადგენილებით დამტკიცებული დებულებით სსრ კავშირის სახელმწიფო საარქივო ფონდის შესახებ.
3. საქართველოს სსრ მინისტრთა საბჭოსთან არსებულმა მთავარმა საარქივო სამმართველომ, აფხაზეთის ასსრ და აჭარის ასსრ მინისტრთა საბჭოებმა, სამხრეთ ოსეთის ავტონომიური ოლქის, რესპუბლიკის ქალაქებისა და რაიონების სახალხო დეპუტატთა საბჭოების აღმასკომებმა მიიღონ ზომები სსრ კავშირის სახელმწიფო საარქივო ფონდის დოკუმენტების დაცვისადმი კონტროლის გასაძლიერებლად და უზრუნველყონ აუცილებელი პირობების შექმნა ამ დოკუმენტების დაცვისა და გამოყენებისათვის.
4. დაევალოთ სამინისტროებსა და უწყებებს მიიღონ ზომები საუწყებო არქივების მუშაობის სრულყოფისათვის, მათი სპეციალური სადგომებით, მოწყობილობით უზრუნველყოფისათვის, კვალიფიციური კადრებით განმტკიცებისათვის, აგრეთვე საქმისწარმოების გაუმჯობესებისათვის.
5. საქართველოს სსრ მინისტრთა საბჭოსთან არსებულმა მთავარმა საარქივო სამმართველომ გააძლიეროს ორგანიზაციულ-მეთოდური ხელმძღვანელობა საუწყებო არქივებისა და საქმისწარმოების წარმართვის დარგში მუშაობისადმი და გაუწიოს დახმარება სამინისტროებსა და უწყებებს შესაბამის მუშაკთა კვალიფიკაციის ამაღლებაში.
6. ძალადაკარგულად ჩაითვალოს საქართველოს სსრ მინისტრთა საბჭოს 1961 წლის 28 ოქტომბრის № 676 დადგენილება „საქართველოს სსრ მინისტრთა საბჭოსთან არსებული საარქივო სამმართველოს დებულების დამტკიცების შესახებ“.

საქართველოს სსრ მინისტრთა საბჭოს

თავმჯდომარე **წ. კატარიაძე.**

საქართველოს სსრ მინისტრთა საბჭოს

საქმეთა მმართველი **წ. ახვლედიანი.**

დამბაკინვაზულია  
 საქართველოს სსრ მინისტრთა საბჭოს  
 1980 წლის 29 სექტემბრის № 717  
 დადგენილებით

## დ ე ბ უ ლ ე ბ ა

საქართველოს სსრ მინისტრთა საბჭოსთან არსებული მთავარი საარქივო სამმართველოს შესახებ

1. საქართველოს სსრ მინისტრთა საბჭოსთან არსებული მთავარი საარქივო სამმართველო (საქმთავარარქივი) არის სახელმწიფო მმართველობის საკავშირო-რესპუბლიკური ორგანო და თავის საქმიანობაში ექვემდებარება როგორც საქართველოს სსრ მინისტრთა საბჭოს, ისევე სსრ კავშირის მინისტრთა საბჭოსთან არსებულ მთავარ საარქივო სამმართველოს.

საქართველოს სსრ მინისტრთა საბჭოსთან არსებული მთავარი საარქივო სამმართველო ახორციელებს რესპუბლიკაში საარქივო საქმის დარგობრივ და სადარგოშორისო მართვას, განაგებს სსრ კავშირის სახელმწიფო საარქივო ფონდის დოკუმენტებს, რომლებიც დაცულია საქართველოს სსრ სახელმწიფო და საუწყებო არქივებში, და პასუხისმგებელია საქართველოს სსრ რესპუბლიკაში საარქივო საქმის მდგომარეობის, შემდგომი განვითარების, სრულყოფისა და ამ დარგში მეცნიერულ-ტექნიკური პროგრესისათვის.

„ისტორიისა და კულტურის ძეგლთა დაცვისა და გამოყენების შესახებ“ საქართველოს სსრ კანონის მე-7 მუხლის შესაბამისად საქართველოს სსრ მინისტრთა საბჭოსთან არსებული მთავარი საარქივო სამმართველო თავისი კომპეტენციის ფარგლებში არის დოკუმენტურ ძეგლთა დაცვის სპეციალურად უფლებამოსილი სახელმწიფო ორგანო საქართველოს სსრ რესპუბლიკაში.

2. საქართველოს სსრ მინისტრთა საბჭოსთან არსებული მთავარი საარქივო სამმართველოს მთავარი ამოცანებია:

სსრ კავშირის სახელმწიფო საარქივო ფონდის დოკუმენტების დაცვის უზრუნველყოფა, სახელმწიფო არქივების დაკომპლექტებისა და მათში დაცული დოკუმენტების გამოყენების ორგანიზაცია სსრ კავშირის სახელმწიფო საარქივო ფონდის დებულების შესაბამისად;

სახელმწიფო მართვა ისტორიისა და კულტურის დოკუმენტურ ძეგლთა დაცვისა და გამოყენების დარგში;

არქივთმცოდნეობის, დოკუმენტმცოდნეობის, არქეოგრაფიის დარგში სამეცნიერო და მეთოდური მუშაობის ორგანიზაცია და კოორდინაცია; მეცნიერულ გამოკვლევათა შედეგებისა და მეცნიერულ-ტექნიკურ მიღწევათა დანერგვა რესპუბლიკის საარქივო დაწესებულებათა მუშაობის პრაქტიკაში;

ორგანიზაციულ-მეთოდური ხელმძღვანელობა საუწყებო არქივების საქმიანობისა და სამინისტროთა, უწყებათა, დაწესებულებათა, ორგანიზაციათა და საწარმოთა საქმისწარმოებაში დოკუმენტების ორგანიზაციისადმი;

საარქივო საქმის დარგში მოწინავე სამამულო და სახლგარგარეთული გამოცდილების გავრცელება, საარქივო საქმის შემდგომი განვითარებისა და სრულყოფისათვის წინადადებათა შემუშავება.

3. საქართველოს სსრ მინისტრთა საბჭოსთან არსებული მთავარი საარქივო სამმართველო ხელმძღვანელობს რესპუბლიკაში საარქივო საქმეს უშუალოდ ან აფხაზეთის ასსრ, აჭარის ასსრ მინისტრთა საბჭოებთან არსებული და სამხრეთ ოსეთის ავტონომიური ოლქის სახალხო დეპუტატთა საბჭოს აღმასკომის საარქივო სამმართველოების მეშვეობით და მართავს მას საქართველოს სსრ ცენტრალური სახელმწიფო არქივების, საქართველოს სსრ ოქტომბრის რევოლუციისა და სოციალისტური მშენებლობის ცენტრალური სახელმწიფო არქივის ფილიალების, საქალაქო და რაიონული სახელმწიფო არქივების საშუალებით.

საქართველოს სსრ მინისტრთა საბჭოსთან არსებული მთავარი საარქივო სამმართველო, აფხაზეთის ასსრ და აჭარის ასსრ მინისტრთა საბჭოებთან არსებული, აგრეთვე სამხრეთ ოსეთის ავტონომიური ოლქის სახალხო დეპუტატთა საბჭოს აღმასკომის საარქივო სამმართველოები და მათი საქვეუწყებო სახელმწიფო არქივები სსრ კავშირის სახელმწიფო საარქივო სამსახურის შემადგენელი ნაწილია და შედიან სსრ კავშირის მინისტრთა საბჭოსთან არსებული მთავარი საარქივო სამმართველოს ერთიან სისტემაში.

4. საქართველოს სსრ მინისტრთა საბჭოსთან არსებული მთავარი საარქივო სამმართველო თავის საქმიანობაში ხელმძღვანელობს სსრ კავშირისა და საქართველოს სსრ კანონებით, სსრ კავშირის უმაღლესი საბჭოსა და მისი პრეზიდიუმის, საქართველოს სსრ უმაღლესი საბჭოსა და მისი პრეზიდიუმის სხვა გადაწყვეტილებებით, სსრ კავშირის მინისტრთა საბჭოსა და საქართველოს სსრ მინისტრთა საბჭოს დადგენილებებითა და განკარგულებებით, სსრ კავშირის სახელმწიფო საარქივო ფონდის დებულებით, სსრ კავშირის მინისტრთა საბჭოსთან არსებული მთავარი საარქივო სამმართველოს ბრძანებებითა და ინსტრუქციებით, სხვა ნორმატიული აქტებით და ამ დებულებით, უზრუნველყოფს მოქმედი კანონმდებლობის სწორ: დ გამოყენებას რესპუბლიკის საარქივო დაწესებულებებში.

საქართველოს სსრ მინისტრთა საბჭოსთან არსებული მთავარი საარქივო სამმართველო განაზოგადებს კანონმდებლობის გამოყენების პრაქტიკას მის კომპეტენციაში შემავალ საკითხებზე, შეიმუშავებს წინადადებებს კანონმდებლობის სრულყოფისათვის და დადგენილი წესით წარუდგენს მათ განსახილველად საქართველოს სსრ მინისტრთა საბჭოს.

5. საქართველოს სსრ მინისტრთა საბჭოსთან არსებული მთავარი საარქივო სამმართველო მისთვის დაკისრებული ამოცანების შესაბამისად:

ა) აორგანიზებს სსრ კავშირის სახელმწიფო საარქივო ფონდის დოკუმენტების დაკომპლექტებასა და შენახვას, უზრუნველყოფს სახელმწიფო არქივებში, აგრეთვე მუზეუმებსა და ბიბლიოთეკებში დოკუმენტების გადაცემის დადგენილი წესის დაცვას;

ბ) წყვეტს რესპუბლიკური და ადგილობრივი მნიშვნელობის საარქივო ფონდების შემადგენლობისადმი დოკუმენტების მიკუთვნების საკითხებს და ახორციელებს ღონისძიებებს რესპუბლიკის ცენტრალურ სახელმწიფო არქივებში რესპუბლიკური მნიშვნელობის ფონდების კონცენტრაციისათვის;

გ) აწარმოებს საქართველოს სსრ სახელმწიფო და საუწყებო არქივებში დაცული სსრ კავშირის სახელმწიფო საარქივო ფონდის დოკუმენტების, საზოგად-

დობრივ ორგანიზაციათა და მოქალაქეთა საკუთრებაში არსებული ისტორიული და კულტურის დოკუმენტური ძეგლების სახელმწიფო აღრიცხვას და წარუდგენს ცნობებს სსრ კავშირის მინისტრთა საბჭოსთან არსებულ მთავარ საარქივო სამმართველოს; განაზოცილებს სახელმწიფო კონტროლს აღნიშნული დოკუმენტების დაცვისა და გამოყენებისადმი;

დ) შეიმუშავებს თავისი კომპეტენციის ფარგლებში ნორმატიულ დოკუმენტებს საარქივო დაწესებულებათა საქმიანობის საკითხებზე, აორგანიზებს და ახორციელებს მუშაობას სახელმწიფო არქივების ქსელისა და მათი სტრუქტურის სრულყოფისათვის;

ე) აორგანიზებს არქივების მუშაობის პრაქტიკაში დოკუმენტების შენახვის, რესტავრაციის, კონსერვაციის, გამოყენებისა და დაცვის ყველაზე რაციონალური სისტემებისა და მეთოდების დანერგვას, განსაზღვრავს რესპუბლიკის სახელმწიფო არქივების მოთხოვნილებას მოწყობილობასა და მასალებზე;

ვ) ახორციელებს ორგანიზაციულ-მეთოდურ ხელმძღვანელობას საუწყებო არქივების მუშაობისა და სამინისტროთა, უწყებათა, დაწესებულებათა, ორგანიზაციათა და საწარმოთა საქმისწარმოებაში დოკუმენტების ორგანიზაციისადმი; საქართველოს სსრ სამინისტროებთან და უწყებებთან ერთად ატარებს საუწყებო არქივების მუშაობის სრულყოფის ღონისძიებებს, აგრეთვე საქმისწარმოებისა და ასეთი არქივების საქმიანობის მდგომარეობის საზოგადოებრივ დათვალიერებებს; აორგანიზებს სახელშეკრულებო საწყისებზე საუწყებო არქივებისადმი დახმარებას დოკუმენტების დაცვის უზრუნველყოფის, მოწესრიგებისა და გამოყენების სამუშაოთა შესრულებაში, აგრეთვე დოკუმენტების ასლების სადაზღვევო ფონდის შექმნაში;

ზ) უზრუნველყოფს სამეცნიერო-საცნობარო აპარატის სისტემის შექმნასა და განვითარებას, სსრ კავშირის სახელმწიფო საარქივო ფონდის დოკუმენტების მიხედვით ინფორმაციის ძიების მექანიზებულ და ავტომატიზებულ სისტემათა დანერგვას;

თ) დადგენილი წესით აქვეყნებს სსრ კავშირის სახელმწიფო საარქივო ფონდის დოკუმენტებს, საცნობარო-საინფორმაციო ლიტერატურას საქართველოს სსრ სახელმწიფო არქივებში დაცული სსრ კავშირის სახელმწიფო საარქივო ფონდის დოკუმენტების შემადგენლობისა და შინაარსის შესახებ, გამოსცემს საქართველოს სსრ მინისტრთა საბჭოსთან არსებული მთავარი საარქივო სამმართველოს გამგებლობისადმი მიკუთვნებულ საკითხებზე სამეცნიერო ჟურნალებს, ბიულეტენებს, სამეცნიერო-პოპულარულ ლიტერატურას, სასწავლო და პრაქტიკულ სახელმძღვანელოებს; ხელმძღვანელობას უწყევს რესპუბლიკის საარქივო დაწესებულებათა საქმიანობას საარქივო მასალების გამოქვეყნებაში;

ი) აორგანიზებს ინფორმაციას სსრ კავშირის სახელმწიფო საარქივო ფონდის დოკუმენტების შესახებ აქტუალურ თემატიკაზე პოლიტიკური, სახალხო სამეურნეო, სამეცნიერო და სოციალურ-კულტურული მიზნებისათვის გამოსაყენებლად; კოორდინაციას უწყევს მუშაობას რეტროსპექტულ დოკუმენტურ ინფორმაციაზე საზოგადოებრივ მოთხოვნილებათა და დოკუმენტების გამოყენების ეფექტიანობის შესასწავლად;

კ) ხელმძღვანელობს რესპუბლიკის საარქივო დაწესებულებათა საარქივო-კვლევით და მეთოდურ მუშაობას; შეიმუშავებს ღონისძიებებს საარქივო საქმის პრაქტიკაში მეცნიერულ გამოკვლევათა შედეგების დანერგვისათვის; ახორციელებს სამეცნიერო-ტექნიკურ ინფორმაციას აღნიშნულ საკითხებზე;

ლ) აორგანიზებს საქართველოს სსრ სამინისტროებთან და უწყებებთან ერთად საქმისწარმოების ერთიანი სახელმწიფო სისტემისა და საორგანიზაციო-განმარჯულებელი დოკუმენტაციის უნიფიცირებული სისტემის დანერგვას; ახორციელებს სამეცნიერო-მეთოდურ ხელმძღვანელობას მათი გამოყენებისადმი;

მ) ამოწმებს საუწყებო არქივების მუშაობას და დოკუმენტების ორგანიზაციას რესპუბლიკის სამინისტროთა, უწყებათა, დაწესებულებათა, ორგანიზაციათა და საწარმოთა საქმისწარმოებაში;

ნ) შეიმუშავებს და გამოსცემს თავისი კომპეტენციის ფარგლებში სამინისტროების, უწყებების, დაწესებულებების, ორგანიზაციებისა და საწარმოების მიერ აუცილებლად შესასრულებელ ინსტრუქციებსა და მეთოდურ სახელმძღვანელოებს საარქივო საქმისა და საქმისწარმოებაში დოკუმენტების ორგანიზაციის საკითხებზე;

ო) აორგანიზებს დოკუმენტების მეცნიერული და პრაქტიკული მნიშვნელობის ექსპერტიზას საქართველოს სსრ სახელმწიფო არქივებში მათი მუდმივ შესანახად შერჩევის მიზნით, ამტკიცებს დადგენილი წესით რესპუბლიკის სამინისტროთა, უწყებათა, მათ საქვეუწყებო საწარმოთა, დაწესებულებათა და ორგანიზაციათა დოკუმენტების ნუსხებს შენახვის ვადებით;

პ) დადგენილი წესით გამოავლენს და მიიღებს სსრ კავშირის სახელმწიფო არქივებისაგან და საზღვარგარეთიდან საქართველოს ისტორიაზე საარქივო დოკუმენტების დედნებს ან ასლებს; აორგანიზებს საზღვარგარეთის საარქივო დაწესებულებებთან დოკუმენტების ასლებისა და არქივთმცოდნეობითი ლიტერატურის გაცვლას, აგრეთვე მონაწილეობს არქივების საერთაშორისო ორგანიზაციათა საქმიანობაში;

ჟ) მისცემს დადგენილი წესით დაწესებულებებს, ორგანიზაციებსა და მოქალაქეებს სპეციალურ ნებართვას რესპუბლიკის ტერიტორიაზე დოკუმენტური ძეგლების შესაკრებად;

რ) შეიმუშავებს პერსპექტიულ და მიმდინარე გეგმებს რესპუბლიკაში საარქივო საქმის განვითარების საკითხებზე და უზრუნველყოფს ამ გეგმების შესრულებას;

ს) შეიმუშავებს საქართველოს სსრ საარქივო დაწესებულებებში შრომისა და მართვის მეცნიერული ორგანიზაციის საკითხებს, ახორციელებს ცენტრალური აპარატისა და საქვეუწყებო დაწესებულებათა სტრუქტურის სრულყოფის ღონისძიებებს;

ტ) ამტკიცებს საქვეუწყებო დაწესებულებათა ხარჯთაღრიცხვებს, დადგენილი წესით ახორციელებს საარქივო დაწესებულებათა დაფინანსებასა და მატერიალურ-ტექნიკურ მომარაგებას, უზრუნველყოფს მათი შენახვისათვის გამოყოფილი სახსრების რაც შეიძლება სწორად და ეფექტიანად გამოყენებას, აკონტროლებს მათს საფინანსო-სამეურნეო საქმიანობას;

უ) წყვეტს თავისი კომპეტენციის ფარგლებში კაპიტალური მშენებლობის საკითხებს;

ფ) ამტკიცებს რესპუბლიკის საარქივო დაწესებულებათა მიერ მომსახურების ტარიფებს საქართველოს სსრ ფასების სახელმწიფო კომიტეტთან შეთანხმებული ნუსხის მიხედვით;

ქ) შეისწავლის, განაზოგადებს და გაავრცელებს სსრ კავშირისა და საზღვარგარეთის ქვეყნების არქივების მუშაობის მოწინავე გამოცდილებას, მოიწვევს დადგენილი წესით სამეცნიერო, სამეცნიერო-პრაქტიკულ კონფერენციებს, სიმპოზიუმებს, თათბირებს, სემინარებს, აწყობს და ატარებს გამოფენებს საარქივო საქმისა და საქმისწარმოებაში დოკუმენტების ორგანიზაციის საკითხებზე;

ღ) ახორციელებს ცენტრალური აპარატისა და საქვეუწყებო დაწესებულებათა კადრების შერჩევასა და განაწილებას;

ყ) აორგანიზებს საქართველოს სსრ საარქივო დაწესებულებებისა და საუწყებო არქივების მუშაკთა კვალიფიკაციის ამაღლებას;

შ) აორგანიზებს მოქალაქეთა წინადადებების, განცხადებებისა და საჩივრების დროულად და ყურადღებით განხილვას, ამასთან ცდილობს მიადლოს მათში აღძრული საკითხების სწორად გადაწყვეტას; იღებს ზომებს საქვეუწყებო დაწესებულებათა საქმიანობაში არსებულ ნაკლოვანებათა აღმოსაფხვრელად.

6. საქართველოს სსრ მინისტრთა საბჭოსთან არსებულ მთავარ საარქივო სამმართველოს მის წინაშე დასახული ამოცანების გადასაწყვეტად და მისთვის დაკისრებულ მოვალეობათა შესასრულებლად უფლება ენიჭება:

ა) მიიღოს სამინისტროებისაგან, უწყებებისაგან, დაწესებულებებისაგან, ორგანიზაციებისა და საწარმოებისაგან აუცილებელი მასალები საუწყებო არქივების მუშაობისა და საქმისწარმოებაში დოკუმენტების ორგანიზაციის შესახებ;

ბ) მოისმინოს სამინისტროების, უწყებების, დაწესებულებების, ორგანიზაციებისა და საწარმოების წარმომადგენელთა ინფორმაციები საუწყებო არქივების მუშაობისა და საქმისწარმოებაში დოკუმენტების ორგანიზაციის საკითხებზე;

გ) მისცეს სამინისტროებს, უწყებებს, დაწესებულებებს, ორგანიზაციებსა და საწარმოებს შესასრულებლად სავალდებულო მითითებანი საუწყებო არქივების მუშაობაში და საქმისწარმოებაში დოკუმენტების ორგანიზაციაში გამოვლენილ ნაკლოვანებათა აღმოსაფხვრელად;

დ) შექმნას მუდმივი და დროებითი საუწყებოთაშორისო კომისიები და საბჭოები საარქივო საქმისა და საქმისწარმოებაში დოკუმენტების ორგანიზაციის საკითხების განსახილველად;

ე) მოაწყოს კონკურსები საარქივო საქმისა და საქმისწარმოების დარგში სამუშაოთა საუკეთესოდ შესრულებისათვის; დაამტკიცოს მოქმედი კანონმდებლობის შესაბამისად კონკურსების პირობები.

საქართველოს სსრ სამინისტროთა და უწყებათა მიერ შემუშავებული სასწავლო პროგრამები საარქივო საქმისა და საქმისწარმოებაში დოკუმენტების ორგანიზაციის საკითხებზე მტკიცდება საქართველოს სსრ მინისტრთა საბჭოსთან არსებულ მთავარ საარქივო სამმართველოსთან შეთანხმებით.

საქართველოს სსრ მინისტრთა საბჭოსთან არსებული მთავარი საარქივო სამმართველოს თანამდებობის პირებს თავიანთ მოვალეობათა შესასრულებლად უფლება აქვთ დადგენილი წესით ნახონ სამინისტროთა, უწყებათა, დაწესებულებათა, ორგანიზაციათა და საწარმოთა არქივებისა და საქმისწარმოების სამსახურები.

7. საქართველოს სსრ მინისტრთა საბჭოსთან არსებულ მთავარ საარქივო სამმართველოს სათავეში უდგას უფროსი.

საქართველოს სსრ მინისტრთა საბჭოსთან არსებული მთავარი საარქივო სამმართველოს უფროსსა და მის მოადგილეს ნიშნავს საქართველოს სსრ მინისტრთა საბჭო.

8. საქართველოს სსრ მინისტრთა საბჭოსთან არსებული მთავარი საარქივო სამმართველოს უფროსი:

ა) პერსონალურად აგებს პასუხს მთავარი საარქივო სამმართველოსათვის დაკისრებული ამოცანებისა და მოვალეობების შესრულებისათვის, აწესებს უფროსის მოადგილის, განყოფილებათა და სხვა სტრუქტურულ ქვედანაყოფთა უფროსების პასუხისმგებლობას მთავარი საარქივო სამმართველოს საქმიანობის ცალკეული დარგების ხელმძღვანელობისათვის, აგრეთვე რესპუბლიკის საარქივო დაწესებულებათა მუშაობისათვის;

ბ) თავისი კომპეტენციის ფარგლებში გამოსცემს ბრძანებებსა და ინსტრუქციებს სსრ კავშირისა და საქართველოს სსრ კანონების, სსრ კავშირის უმაღლესი საბჭოსა და მისი პრეზიდიუმის, საქართველოს სსრ უმაღლესი საბჭოსა და მისი პრეზიდიუმის სხვა გადაწყვეტილებების, სსრ კავშირის მინისტრთა საბჭოსა და საქართველოს სსრ მინისტრთა საბჭოს დადგენილებებისა და განკარგულებების, სსრ კავშირის მინისტრთა საბჭოსთან არსებული მთავარი საარქივო სამმართველოს საგანმკარგულებლო დოკუმენტების საფუძველზე და შესასრულებლად, იძლევა რესპუბლიკის საარქივო დაწესებულებათა მიერ შესრულებისათვის სავალდებულო მითითებებს, ამოწმებს მათს შესრულებას;

გ) საჭირო შემთხვევებში გამოსცემს საქართველოს სსრ სამინისტროთა და უწყებათა ხელმძღვანელებთან ერთად ერთობლივ ბრძანებებს, დადგენილებებსა და ინსტრუქციებს;

დ) აუქმებს რესპუბლიკის საარქივო დაწესებულებების ხელმძღვანელთა მიერ გამოცემულ იმ ბრძანებებსა და ინსტრუქციებს, რომლებიც ეწინააღმდეგებიან სსრ კავშირისა და საქართველოს სსრ კანონებს, სსრ კავშირის მინისტრთა საბჭოსა და საქართველოს სსრ მინისტრთა საბჭოს დადგენილებებსა და განკარგულებებს, სსრ კავშირის მინისტრთა საბჭოსთან არსებული მთავარი საარქივო სამმართველოსა და საქართველოს სსრ მინისტრთა საბჭოსთან არსებული მთავარი საარქივო სამმართველოს ბრძანებებსა და ინსტრუქციებს.

9. საქართველოს სსრ მინისტრთა საბჭოსთან არსებულ მთავარ საარქივო სამმართველოში იქმნება კოლეგია, რომლის შემადგენლობაში შედიან: სამმართველოს უფროსი (კოლეგიის თავმჯდომარე), მისი მოადგილე და მთავარი საარქივო სამმართველოს ხელმძღვანელი მუშაკები. კოლეგიის შემადგენლობაში შეიძლება შეყვანილ იქნენ დაინტერესებულ დაწესებულებათა წარმომადგენლები.

საქართველოს სსრ მინისტრთა საბჭოსთან არსებული მთავარი საარქივო სამმართველოს კოლეგიის წევრებს ამტკიცებს საქართველოს სსრ მინისტრთა საბჭო.

საქართველოს სსრ მინისტრთა საბჭოსთან არსებული მთავარი საარქივო სამმართველოს კოლეგია თავის რეგულარულად მოწვეულ სხდომებზე განიხილავს საქართველოს სს რესპუბლიკაში საარქივო საქმის განვითარების, სახელმწიფო არქივების ორგანიზაციისა და საქმიანობის, საუწყებო არქივების მდგომარეობის უმნიშვნელოვანეს საკითხებს; განიხილავს შესრულების შემოწმების, კადრების შერჩევის, გამოყენებისა და აღზრდის საკითხებს, უმნიშვნელოვანეს ბრძანებათა, ინსტრუქციათა და მითითებათა პროექტებს, მოისმენს აფხაზეთის ასსრ და აჭარის ასსრ მინისტრთა საბჭოებთან არსებული, აგრეთვე სამხრეთ ოსეთის ავტონომიური ოლქის სახალხო დეპუტატთა საბჭოს აღმასკომის საარქივო სამმართველოების ხელმძღვანელთა მოხსენებებს, საქართველოს სსრ მინისტრთა საბჭოსთან არსებული მთავარი საარქივო სამმართველოს სტრუქტურულ ქვედანაყოფთა, რესპუბლიკის საარქივო დაწესებულებათა ანგარიშებს.

კოლეგიის გადაწყვეტილებანი განხორციელდება, როგორც წესი, საქართველოს სსრ მინისტრთა საბჭოსთან არსებული მთავარი საარქივო სამმართველოს უფროსის ბრძანებებით. უფროსსა და კოლეგიას შორის უთანხმოების შემთხვევაში უფროსი განხორციელებს თავის გადაწყვეტილებას, ამასთან წამოჭრილ უთანხმოებათა შესახებ მოახსენებს საქართველოს სსრ მინისტრთა საბჭოს, ხოლო კოლეგიის წევრებს თავის მხრივ შეუძლიათ აცნობონ თავიანთი აზრი საქართველოს სსრ მინისტრთა საბჭოს.

10. საქართველოს სსრ მინისტრთა საბჭოსთან არსებულ მთავარ საარქივო სამმართველოსთან მოქმედებენ:

სამეცნიერო საბჭო რესპუბლიკაში საარქივო საქმის სამეცნიერო-მეთოდური საკითხების განსახილველად;

ცენტრალური საექსპერტო-შემმოწმებელი კომისია სსრ კავშირის სახელმწიფო საარქივო ფონდის შემადგენლობის განსაზღვრასთან, დოკუმენტების მნიშვნელობის ექსპერტიზასთან და სახელმწიფო შენახისათვის მათ შერჩევასთან დაკავშირებული საკითხების განსახილველად თავისი კომპეტენციის ფარგლებში;

საუწყებო-აშორისო სამეცნიერო-მეთოდური საბჭო სახელმწიფოს საკუთრებაში დოკუმენტების შესაძენად.

აღნიშნული საბჭოებისა და კომისიის დებულებებსა და შემადგენლობას ამტკიცებს საქართველოს სსრ მინისტრთა საბჭოსთან არსებული მთავარი საარქივო სამმართველოს უფროსი.

11. საქართველოს სსრ მინისტრთა საბჭოსთან არსებული მთავარი საარქივო სამმართველოს ცენტრალური აპარატის სტრუქტურასა და მუშაკთა რიცხოვნობას დაამტკიცებს საქართველოს სსრ მინისტრთა საბჭო სსრ კავშირის მინისტრთა საბჭოსთან არსებულ მთავარ საარქივო სამმართველოსთან შეთანხმებით.



საქართველოს სსრ მინისტრთა საბჭოსთან არსებული მთავარი სამმართველოს ცენტრალური აპარატის საშტატო განრიგსა და მის სტრუქტურულ ქვედანაყოფთა დებულებებს აქტივებს მთავარი საარქივო სამმართველოს უფროსი.

12. საქართველოს სსრ მინისტრთა საბჭოსთან არსებულ მთავარ საარქივო სამმართველოს აქვს ბეჭედი, რომელზეც გამოსახულია საქართველოს სსრ სახელმწიფო გერბი და აღნიშნულია მისი დასახელება.

დ ა მ ტ ა ი ც ი ე ბ უ ლ ი ა  
 საქართველოს სსრ მინისტრთა საბჭოს  
 1980 წლის 29 სექტემბრის № 717  
 დადგენილებით

### ქ ს ე ლ ი

#### საქართველოს სსრ სახელმწიფო არქივებისა\*

##### საქართველოს სსრ ცენტრალური სახელმწიფო არქივები

1. საქართველოს სსრ ოქტომბრის რევოლუციისა და სოციალისტური მშენებლობის ცენტრალური სახელმწიფო არქივი  
(ქ. თბილისი)
2. საქართველოს სსრ სამეცნიერო-ტექნიკური დოკუმენტაციის ცენტრალური სახელმწიფო არქივი  
(ქ. თბილისი)
3. საქართველოს სსრ ლიტერატურისა და ხელოვნების ცენტრალური სახელმწიფო არქივი  
(ქ. თბილისი)
4. საქართველოს სსრ ცენტრალური სახელმწიფო საისტორიო არქივი  
(ქ. თბილისი)
5. საქართველოს სსრ კინოფოტოფონოდოკუმენტების ცენტრალური სახელმწიფო არქივი  
(ქ. თბილისი)
6. ქ. ქუთაისის ცენტრალური სახელმწიფო არქივი

\* ავტონომიური რესპუბლიკებისა და ავტონომიური ოლქის სახელმწიფო არქივების გარდა.









# 81 ბუნების დაცვისა და ბუნებრივი რესურსების გონივრულად გამოყენების დარგში თვალსაჩინო ნამუშევრებისათვის სპარტველოს სსრ მაცნიერებათა აკადემიის აკადემიკოსის თეოფანე ფარნას ძე დავითიას სახელობის პრემიის მინიჭების დებულების დამტკიცების შესახებ

საქართველოს სსრ მინისტრთა საბჭო ა დ გ ე ნ ს :

დამტკიცდეს საქართველოს სსრ ბუნების დაცვის სახელმწიფო კომიტეტის მიერ წარმოდგენილი დებულება საქართველოს სსრ მეცნიერებათა აკადემიის აკადემიკოსის თეოფანე ფარნას ძე დავითიას სახელობის პრემიის მინიჭების შესახებ.

საქართველოს სსრ მინისტრთა საბჭოს  
თავმჯდომარე **წ. პატარაძე.**

საქართველოს სსრ მინისტრთა საბჭოს  
საქმეთა მმართველი **წ. ახვლედიანი.**

ქ. თბილისი, 1980 წ. 30 სექტემბერი, № 727

დამტკიცებულია  
საქართველოს სსრ მინისტრთა საბჭოს  
1980 წლის 30 სექტემბრის № 727  
დადგენილებით

## დ ე ბ უ ლ ე ბ ა

ბუნების დაცვისა და ბუნებრივი რესურსების გონივრულად გამოყენების დარგში თვალსაჩინო ნამუშევრებისათვის საქართველოს სსრ მეცნიერებათა აკადემიის აკადემიკოსის თეოფანე ფარნას ძე დავითიას სახელობის პრემიის მინიჭების შესახებ

1. აკადემიკოს თ. დავითიას სახელობის პრემია 1000 მანეთის ოდენობით დაწესებულია საქართველოს სსრ მინისტრთა საბჭოს 1980 წლის 3 ივნისის № 468 დადგენილებით და მიენიჭება ორ წელიწადში ერთხელ საუკეთესო სამეცნიერო ნაშრომისათვის ბუნების დაცვისა და ბუნებრივი რესურსების რაციონალურად გამოყენების დარგში.

პრემიის მინიჭება ხდება ბუნების დაცვის საერთაშორისო დღესთან დაკავშირებით — 5 ივნისს

2. საქართველოს სსრ ბუნების დაცვის სახელმწიფო კომიტეტი და საქართველოს სსრ სოფლის მეურნეობის სამეცნიერო-ტექნიკური საზოგადოების რესპუბლიკური გამგეობა კონკურსის გამოცხადების დღემდე ექვსი თვით

აღრე რესპუბლიკურ პრესაში აქვეყნებენ სათანადო განცხადებას, ხოლო საკონკურსო ნაშრომები უნდა წარმოადგინონ ერთი თვის განმავლობაში კონკურსის გამოცხადების დღიდან.

3. პრემიის მოსაპოვებლად შეიძლება წარმოდგენილ იქნეს ცალკეულ ავტორთა, ან ავტორთა კოლექტივების (არა უმეტეს 3-5 კაცისა) ნაშრომები.

პრემიის გაყოფა ორ ან მეტ მაძიებელს შორის სხვადასხვა ნაშრომისათვის არ შეიძლება.

4. პრემია მიენიჭებათ მეცნიერებს, რომლებმაც ბუნების დაცვისა და ბუნებრივი რესურსების რაციონალური გამოყენების საკითხებზე შექმნეს ფუნდამენტური ნაშრომები და ამ ნაშრომებს მეცნიერულ მნიშვნელობასთან ერთად აქვთ პრაქტიკული ღირებულება; აგრეთვე იმ პირებს, რომლებმაც განახორციელეს ნაყოფიერი პრაქტიკული ღონისძიებანი გეოგრაფიული გარემოს გეგმავთიერი და გონივრული გარდაქმნის მიზნით. განსაკუთრებულ შემთხვევაში პრემია მიეცემათ ბუნების იმ ქომავებს, რომლებიც დიდად სასარგებლო პრაქტიკულ საქმიანობას ეწევიან.

ნაშრომები, რომელთაც მინიჭებული აქვთ სხვა პრემიები, კონკურსზე არ დაიშვება.

5. საკონკურსოდ შეიძლება წარმოდგენილ იქნეს წინა სამი წლის განმავლობაში შესრულებული ნაშრომები.

6. თ. დავითაიას სახელობის პრემია ვაიცემა საქართველოს სსრ სოფლის მეურნეობის სამეცნიერო-ტექნიკური საზოგადოების რესპუბლიკური გამგეობის სახსრებიდან.

7. პრემიის მოსაპოვებლად ნაშრომების წარმოდგენა ხდება სამინისტროების, უწყებების, დაწესებულებების, ბუნების დაცვის სამსახურების, სამეცნიერო, საპროექტო და საზოგადოებრივი ორგანიზაციების, ქალაქებისა და რაიონების სახალხო დეპუტატთა საბჭოების აღმასკომების სათანადო რეკომენდაციებით.

8. პრემიის მოსაპოვებლად წარმოდგენილ უნდა იქნეს დასაბუთებული წარდგინება, რომელიც შეიცავს ნაშრომის მეცნიერულ დახასიათებას და განმარტავს, თუ რა მნიშვნელობა აქვს მას ბუნების დაცვისა და ბუნებრივი რესურსების რაციონალური გამოყენების საქმისათვის, სამეცნიერო ნაშრომი სამ ცალად, მონაცემები ავტორის შესახებ, კოლექტიური შრომის თითოეული თანაავტორის მონაწილეობის დახასიათება.

9. საკონკურსოდ შემოსული ყველა ნაშრომის შეფასებას იძლევა და პრემიის მისანიჭებლად კანდიდატებს რეკომენდაციას უწევს საექსპერტო კომისია 9 კაცის შემადგენლობით, რომელიც ყოველი კონკურსისათვის (მარტში) იქმნება საქართველოს სსრ ბუნების დაცვის სახელმწიფო კომიტეტისა და საქართველოს სსრ სოფლის მეურნეობის სამეცნიერო-ტექნიკური საზოგადოების რესპუბლიკური გამგეობის ერთობლივი ბრძანებით.

კომისიის შემადგენლობაში უნდა იყვნენ გამოჩენილი მეცნიერები და სხვადასხვა უწყებათა პრაქტიკოსი სპეციალისტები, რომლებიც თავიანთი საქმიანობით მჭიდროდ არიან დაკავშირებული ბუნების დაცვისა და ბუნებრივი

რესურსების რაციონალურად გამოყენების პრობლემებთან. საექსპერტო კომისიის წევრებად არ შეიძლება იმ პირების დანიშვნა, რომელთაც პრემიის მოსაპოვებლად წარდგენილი აქვთ თავიანთი ნაშრომები.

10. საექსპერტო კომისია უფლებამოსილია მიიღოს გადაწყვეტილება, თუ სხდომას ესწრება კომისიის წევრთა ორი მესამედი მაინც.

საექსპერტო კომისია გადაწყვეტილებას რეკომენდაციის შესახებ იღებს ფარული კენჭისყრით.

გადაწყვეტილება მიღებულად ჩაითვლება, თუ მას ხმა მისცა კომისიის შემადგენლობის უბრალო უმრავლესობამ.

11. საექსპერტო კომისია მისი დამტკიცებიდან ერთი თვის განმავლობაში საქართველოს სსრ ბუნების დაცვის სახელმწიფო კომიტეტის კოლეგიისა და საქართველოს სსრ სოფლის მეურნეობის სამეცნიერო-ტექნიკური საზოგადოების პრეზიდიუმის გაერთიანებულ სხდომას წარუდგენს სათანადო მასალას კონკურსის ჩატარების თაობაზე.

12. საქართველოს სსრ ბუნების დაცვის სახელმწიფო კომიტეტის კოლეგიისა და საქართველოს სსრ სოფლის მეურნეობის სამეცნიერო-ტექნიკური საზოგადოების პრეზიდიუმის გაერთიანებული სხდომა ერთი თვის განმავლობაში მოისმენს საექსპერტო კომისიის რეკომენდაციას და კენჭს უყრის პრემიის მოსაპოვებლად შემოსულ ყველა ნაშრომს. განხილვაში მონაწილეობის მიღება შეუძლია ყველა დაინტერესებულ პირს. განცხადება გაერთიანებული სხდომის მოწვევის შესახებ, რომელზეც განხილული იქნება საპრემიო შრომები, ქვეყნდება პრესაში.

13. გაერთიანებული სხდომა უფლებამოსილია მიიღოს გადაწყვეტილება პრემიის მინიჭების შესახებ, თუ სხდომას ესწრება საბჭოს წევრთა ორი მესამედი მაინც.

სხდომა აღნიშნულ საკითხზე გადაწყვეტილებას იღებს ფარული კენჭისყრით.

პრემია მიენიჭება იმ ნაშრომს, რომელმაც მიიღო სხდომაზე დამსწრე წევრთა ხმის უბრალო უმრავლესობა.

14. პრემიით დაჯილდოებულ ნაშრომის ავტორს (ავტორთა კოლექტივს) მიეცემა ფულადი ჯილდო და სპეციალური მედალი იმის აღნიშვნით, თუ რომელ წელს და რა შრომისათვის (პრაქტიკული საქმიანობისათვის) არის გაცემული პრემია.

15. იმ შემთხვევაში, თუ საკონკურსოდ წარდგენილი არც ერთი ნაშრომი არ იმსახურებს პრემიას, საქართველოს სსრ ბუნების დაცვის სახელმწიფო კომიტეტის კოლეგიისა და საქართველოს სსრ სოფლის მეურნეობის სამეცნიერო-ტექნიკური საზოგადოების პრეზიდიუმის გაერთიანებული სხდომის დადგენილებით კონკურსი უქმდება და გადაიდება მომდევნო წლისათვის.

## 82 არასაცხოვრებელი სადგომების საიჯარო ქირის განაკვეთების დამტკიცების შესახებ

არასაცხოვრებელი სადგომების საიჯარო ქირის გადახდევინების და საბინაო ფონდის ექსპლუატაციისა და დაცვა-შენახვის უზრუნველყოფის ხარჯების დაფარვაში არასაცხოვრებელი სადგომების მოიჯარეთა წილობრივი მონაწილეობის საკითხთა მოწესრიგების მიზნით და საქართველოს სსრ მინისტრთა საბჭოს 1979 წლის 19 დეკემბრის № 827 დადგენილების შესასრულებლად საქართველოს სსრ მინისტრთა საბჭო დადგენს:

1. მიღებულ იქნეს საქართველოს სსრ საბინაო-კომუნალური მეურნეობის სამინისტროს წინადადება, რომელიც შეთანხმებულია საქართველოს სსრ ფასების სახელმწიფო კომიტეტთან, საქართველოს სსრ სახელმწიფო საგეგმო კომიტეტთან, საქართველოს სსრ ფინანსთა სამინისტროსთან, და დამტკიცდეს არასაცხოვრებელი სადგომების საიჯარო ქირის განაკვეთები, დანართის თა ნახმაღ.

არასაცხოვრებელი სადგომების საიჯარო ქირის განაკვეთები შემოღებულ იქნეს სამოქმედოდ 1982 წლის 1 იანვრიდან.

2. საქართველოს სსრ საბინაო-კომუნალური მეურნეობის სამინისტრომ:

— შეიმუშაოს 1981 წლის 1 იანვრამდე ინსტრუქცია არასაცხოვრებელი სადგომების საიჯარო ქირის განაკვეთებისა და მათი სარგებლობის რეგულირების ღონისძიებათა შესახებ, ამ დადგენილების მოთხოვნების შესაბამისად, და დაუზავნოს იგი სახელმძღვანელოდ და სამსახურებრივი სარგებლობისათვის აფხაზეთის ასსრ და აჭარის ასსრ მინისტრთა საბჭოებს, სამხრეთ ოსეთის ავტონომიური ოლქის, ქალაქებისა და რაიონების სახალხო დეპუტატთა საბჭოების აღმასკომებს, რესპუბლიკის სამინისტროებს, უწყებებს, საწარმოებს, ორგანიზაციებსა და დაწესებულებებს;

— გადაიანგარიშოს 1981 წლის 1 აპრილამდე არასაცხოვრებელი სადგომების იჯარის ღირებულება საიჯარო ირის ახალი განაკვეთების მიხედვით და შეუთანხმოს საიჯარო ქირის თანხა მთლიანად იმ სამინისტროებსა და უწყებებს, რომელთაც უკავიათ ეს სადგომები.

3. სამხრეთ ოსეთის ავტონომიური ოლქის, ქალაქებისა და რაიონების სახალხო დეპუტატთა საბჭოების აღმასკომებს, რესპუბლიკის სამინისტროებს, უწყებებს, საწარმოებს, ორგანიზაციებსა და დაწესებულებებს გაითვალისწინონ 1982 და მომდევნო წლების შემოსავალ-გასავლის სამეურნეო გეგმების პროექტების შედგენისას ამ დადგენილებიდან გამომდინარე შესაბამისი ცვლილებანი არასაცხოვრებელი სადგომების საიჯარო ქირაში.

4. ძალადაკარგულად ჩაითვალოს საქართველოს სსრ მინისტრთა საბჭოს 1966 წლის 3 სექტემბრის № 529 დადგენილების 1-ლი პუნქტი.



საქართველოს სსრ მინისტრთა საბჭოს გადაწყვეტილებანი ორგანიზაციათა და უწყებათა არასაცხოვრებელი სადგომების საიჯარო ქირის განაკვეთების შემცირების შესახებ, რომლებიც მიღებულია 1966 წლის 3 სექტემბრის შემდეგ, ძალაში დარჩეს.

საქართველოს სსრ მინისტრთა საბჭოს  
თავმჯდომარე **ზ. პატარიძე**.

საქართველოს სსრ მინისტრთა საბჭოს  
საქმეთა მმართველი **ზ. ახვლედიანი**.

ქ თბილისი, 1980 წ. 2 ოქტომბერი, № 729

**ბ ა ნ ა კ ვ ე ტ ე ბ ი**

**საქართველოს სსრ ტერიტორიაზე არასაცხოვრებელი სადგომების  
საიჯარო ქირის**

(მანეთობითა და კაპიტალით 1 კვადრატული მეტრი ფართობისათვის წელიწადში)

არასაცხოვრებელი სადგომებისა და შენობების სახეობანი მაათი დანაშნულების მიხედვით	ქვეყნის შენობებში		სის შენობებში		ურთულ შენობებში	
	ძირითადი ფართობი	დამხმარე ფართობი	ძირითადი ფართობი	დამხმარე ფართობი	ძირითადი ფართობი	დამხმარე ფართობი
კ. თბილისში, სოხუმში, ბათუმში, ქუთაისში, რუსთაველი, გორში, ცხინვალში, ფოთში, ჭიათურაში, ზუგდიდში, წყალტუბოში	13-20	7-00	11-00	5-50	12-20	6-04
საგარეო, სამრეწველო (საწარმოო) სადგომები, აფთიაქები, მოსახლეობისთვის ყოველგვარი ფსიანი მომსახურების გამწვევი საწარმოები (საბარბაქოები, ფოტოატელევიზი, სამკერვალო სახელოსნოები და ატელიეები, საყოფაცხოვრებო ხელსაწყოთა სადგომები და სხვა სახეობათა საყოფაცხოვრებო მომსახურების სადგომები), მათთან მთავსებული საგაზბო, სამრეწველო (სა-საბელოსნოები), მათთან მთავსებული საწარმოთა და სხვა (არა-წარმო), სამშენებლო, სტრანსპორტო საწარმოთა და სხვა (არა-საბელო) ორგანიზაციათა და დაწესებულებათა კაბინორები	14-00	7-00	11-00	5-50	13-00	6-50
რესტორანები, კაფეები, ბარები, კოქტეილოები, სალუდეები, სასაუნოები, საბეჭდოები, საბიჯეები, აგრეთვე სისაბიჯოები და ბუფეტები, სალაც იყიდება ღვინო და ლუდი (დირექციის, ბუ-ღალტერიის როგორც ძირითადი, ისევე სამსახურებრივი სადგომები და სხვ.)	7-00	3-50	5-80	2-50	6-00	3-00

საზოგადოებრივი აგების სისაბიჯოები, დახურული ბუფეტები, საოჯახო და საჩემო საზოგადოებრივი, საჩაიები

არასაკატეგორიელო სადგომებისა და შენობების სასკოლანი მათი დანშნულუბის მიხედეთ	ქვიტირის შენობებში		ხის შენობებში		შერულ შენობებში	
	ძირითადი ფართობი	დამხმარე ფართობი	ძირითადი ფართობი	დამხმარე ფართობი	ძირითადი ფართობი	დამხმარე ფართობი
სამოქეტო და საზოგადოებრივ ორგანიზაციათა კანტორები, რომლებიც არ იღებენ შემოსავლს თვითონი საქმიანობისაგან	1-20	1-20	1-20	1-20	1-20	1-20
მთლიანად ან ნაწილობრივ ანარიტების ან სპეციალური სასტრუ-ბის ხარჯზე არებული ორგანიზაციები; კოლბერაკული ორგანი-ზაციები	4-50	3-00	4-50	3-50	4-50	3-00
საწოდებები, მაცივრები, აგრეთვე საწარმოთა, ორგანიზაციათა, და დაწესებულებათა გარეგანი	4-80	4-80	3-00	3-00	4-80	4-80
სადგომები, რომლებიც იჭრით ეძლევათ ინდივიდუალურ მფლობელთა ეტომანქანების გარეგანი	2-40	2-40	2-40	2-40	2-40	2-40
სადგომები, რომლებიც იჭრით ეძლევათ მხატვრებსა და მო-ქანდაკებს შემოქმედებითი სახელისწილებისათვის	3-00	3-00	3-00	3-00	3-00	3-00
სადგომები, რომლებიც იჭრით ეძლევათ თეატრებსა და კლუბებს	1-80	1-80	1-80	1-80	1-80	1-80
კატეგორიის, ხელისა და ბოსტნეულის ხანგრძლივი შენახვისათვის გათვალისწინებულ საცეხებად გამოყენებული სადგომები	2-40	2-40	1-50	1-50	2-40	2-40
პაკეტის ტიპის რეინგვისპირა საწყოები და ნავსადგურის საწყოები	1-20	1-20	1-20	1-20	1-20	1-20

რაციონული დაქვემდებარების ქალაქებსა და დაბებში

სეგრო, სამრეწველო (საწარმოო) სადგომები, აფთიაქები, მო-სახლეობისათვის ყოველგვარი ფასიანი მომსახურების გაწევი სა-წარმოები (საპარკებოები, ფოტოატელეფონი, სამკერვალო სა-ხელსაწყოები და ატელიეები), საყოფაცხოვრებო ბელსაწყოთა საწარმოები და სხვა სახეობათა საყოფაცხოვრებო მომსახურების სახელოსნოები), მათთან მოთავსებული საცავები, სამრეწველო (სა-





არასატორებელი სადგომებისა და უწინების სახეობანი მათი დაწესებულების მიხედვით	ქუთაისის უწინებში		სის უწინებში		უწინებში	
	ძირითადი ფართობი	დამხმარე ფართობი	ძირითადი ფართობი	დამხმარე ფართობი	ძირითადი ფართობი	დამხმარე ფართობი
კარტფილის, ხილისა და ბოსტნულის ხანგრძლივი შენახვისათვის გათვალისწინებულ საცემბად გამოყენებულ სადგომები	1-20	1-20	1-20	1-20	1-20	1-20
პაკეტის ტიპის რკინიგზისპირა საწყობები და ნავსადგურის საწყობები	1-00	1-00	1-00	1-00	1-00	1-00

შენიშვნები:

1. დამხმარე სადგომების ტარის მიხედვით გადახდება ქირა მხოლოდ ექსპლიტაციისა და კიბის უკრელებისათვის.
2. თუ სარდაფში ნესტიანია, ქირას დააკლდება 25 პროცენტი.
3. თუ არ არის წყალსადენი და კანალიზაცია, ქირას დააკლდება 10 პროცენტი.
4. ანტრესოლების ფართობი ნაწლავურდება ისევე, როგორც ძირითადი ფართობი.
5. სეკური და სამრეწველო საწარმოები საქონლისა და მასალების შესანახად გამოყენებული ფართობის ქირას იხდის როგორც ძირითადი ფართობისათვის, ხოლო აღთიკები, საბელონოები და საყოფაცხოვრებო მომსახურების სხვა საწარმოები — 70-80%.
6. გორც სისაწყობო ფართობისათვის, იმ სიბიჯებით და საზომადობრივ ორგანიზაციით განვალისწინებული განაკვეთები, რომლებიც არ იღებენ შემოსავალს თვითონი სქმონობისაგან, გამოიყენება თანაშემომელებზე 4,5 კვადრატული მეტრი ფართობისათვის.
7. იგვალდებულები გარეგნები უფასოდ ემსახურები.

საქართველოს სსრ მინისტრთა საბჭოს  
საქმეთა მმართველი ზ. ანგელედიანი.

83

## საქართველოს სსრ გუნების დაცვის სახელმწიფო კონტროლის საკითხები

„წყლის გამოყენებისა და დაცვისადმი სახელმწიფო კონტროლის დებუ-  
ლების დამტკიცების შესახებ“ სსრ კავშირის მინისტრთა საბჭოს 1979 წლის  
22 ივნისის № 591 დადგენილების შესაბამისად საქართველოს სსრ მინისტრთა  
საბჭო ა დ გ ე ნ ს:

### 1. დაწესდეს, რომ:

— საქართველოს სსრ ბუნების დაცვის სახელმწიფო კომიტეტის თავმჯდო-  
მარის მოადგილე, რომელიც წყლის გამოყენებისა და დაცვის საკითხებს განა-  
გებს, ამავე დროს თანამდებობის მიხედვით არის საქართველოს სსრ წყლის  
გამოყენების რეგულირებისა და დაცვის მთავარი სახელმწიფო ინსპექტორი;

— საქართველოს სსრ ბუნების დაცვის სახელმწიფო კომიტეტის წყლის  
სახელმწიფო აღრიცხვისა და გამოყენების რესპუბლიკური ინსპექციის უფროსი  
ამავე დროს თანამდებობის მიხედვით არის საქართველოს სსრ წყლის გამოყენ-  
ების რეგულირებისა და დაცვის მთავარი სახელმწიფო ინსპექტორის მოად-  
გილე;

— საქართველოს სსრ ბუნების დაცვის სახელმწიფო კომიტეტის წყლის  
სახელმწიფო აღრიცხვისა და გამოყენების რესპუბლიკური ინსპექციის განყოფი-  
ლებათა უფროსები, ზონალურ ინსპექციათა უფროსები, საზღვაო ინსპექციის  
უფროსი და ჰიდროქიმიურ ლაბორატორიათა გამგეები ამავე დროს თანამდებ-  
ობის მიხედვით არიან წყლის გამოყენების რეგულირებისა და დაცვის უფრო-  
სი სახელმწიფო ინსპექტორები;

— საქართველოს სსრ ბუნების დაცვის სახელმწიფო კომიტეტის მთავარი  
სპეციალისტები, წამყვანი ინჟინრები, უფროსი ინჟინრები და ინჟინრები, რომ-  
ლებიც წყლის გამოყენების რეგულირებისა და დაცვის საკითხებზე მუშაობენ,  
ამავე დროს თანამდებობის მიხედვით არიან წყლის გამოყენების რეგულირე-  
ბისა და დაცვის სახელმწიფო ინსპექტორები;

— წყლის გამოყენებისა და დაცვისადმი სახელმწიფო კონტროლის დებუ-  
ლება მე-11 პუნქტის შესაბამისად:

საქართველოს სსრ ჰიდრომეტეოროლოგიისა და გარემოს კონტროლის სამ-  
მართველოს, საქართველოს სსრ ჯანმრთელობის დაცვის სამინისტროს, საქართ-  
ველოს სსრ სოფლის მეურნეობის სამინისტროს, საქართველოს სსრ მრეწვე-  
ლობის სამუშაოთა უსაფრთხოდ წარმოების ზედამხედველობისა და სამთო  
ზედამხედველობის კომიტეტის, საქართველოს სსრ გეოლოგიის სამმართველოს  
და საქართველოს შავი ზღვის აუზის თევზის მარაგის დაცვის, კვლავწარმოების  
სა და თევზჭერის რეგულირების სამმართველოს ორგანოთა და თანამდებობის  
პირთა უფლება-მოვლუობანი წყლის გამოყენებისა და დაცვისადმი სახელმწი-  
ფო კონტროლის განხორციელებისას განისაზღვრება სახელმწიფო ზედამხედვე-  
ლობის (კონტროლის) შესაბამის სახეობათა დებულებებით, ზედამხედველობის  
(კონტროლის) განმხორციელებელ ორგანოთა დებულებებით და მოქმედი კა-  
ნონმდებლობის სხვა აქტებით;

აღნიშნული ორგანოები წყლის გამოყენებისა და დაცვისადმი სახელმწიფო კონტროლის განსახორციელებელ საქმიანობას ეწვევიან საქართველოს სსრ ბუნების დაცვის სახელმწიფო კომიტეტთან შეთანხმებულად.

2. საქართველოს სსრ ბუნების დაცვის სახელმწიფო კომიტეტმა:

— მიიღოს ზომები წყლის გამოყენების რეგულირებისა და დაცვის ორგანოებისათვის დაკისრებული სახელმწიფო კონტროლის ფუნქციების შესასრულებლად მათი მუშაობის დონის ამაღლებისათვის;

— უზრუნველყოს წყლის გამოყენების რეგულირებისა და დაცვის უფროს სახელმწიფო ინსპექტორთა და სახელმწიფო ინსპექტორთა მუშაობის სტილისა და მეთოდების შემდგომი სრულყოფა, გააძლიეროს მათი პასუხისმგებლობა წყლის ობიექტების რაციონალური გამოყენების და გაუქუჩიანების, დანაგვიანებისა და დაშრეტისაგან ზედაპირული წყლების დაცვის უზრუნველყოფასთან დაკავშირებული საკითხების გადაწყვეტისათვის.

საქართველოს სსრ მინისტრთა საბჭოს  
თავმჯდომარე **ზ. პატარიძე**.

საქართველოს სსრ მინისტრთა საბჭოს  
საქმეთა მმართველი **ზ. ახვლედიანი**.

ქ. თბილისი, 1980 წ. 3 ოქტომბერი, № 731

## 84 ბოლნისის ტუფის ფილების საბითუმო ფასის დამტკიცების შესახებ

საქართველოს სსრ მინისტრთა საბჭო ა დ გ ე ნ ს:

1. მიღებულ იქნეს საქართველოს სსრ საშენ მასალათა მრეწველობის სამინისტროს წინადადება, რომელიც შეთანხმებულია საქართველოს სსრ ფასების სახელმწიფო კომიტეტთან და რესპუბლიკის შესაბამის სამინისტროებთან და უწყებებთან, და დაწესდეს 1981 წლის 1 იანვრიდან ბოლნისის ტუფის ფილების შემდეგი შესასყიდი ფასი: 1 კვადრატული მეტრი — 38 მანეთი და 50 კაპიკი.

2. საქართველოს სსრ ფასების სახელმწიფო კომიტეტმა შეიტანოს ბოლნისის ტუფის ფილების საბითუმო ფასი შესაბამის პრეისკურანტში.

საქართველოს სსრ მინისტრთა საბჭოს  
თავმჯდომარე **ზ. პატარიძე**.

საქართველოს სსრ მინისტრთა საბჭოს  
საქმეთა მმართველი **ზ. ახვლედიანი**.

ქ. თბილისი, 1980 წ. 10 ოქტომბერი, № 747

## 85 საქართველოს სსრ მინისტრთა საბჭოს 1980 წლის 30 ივნისის № 538 დადგენილების მი-4 დანართში ნაწილობრივი ცვლილების შეტანის შესახებ

საქართველოს სსრ მინისტრთა საბჭო ა დ გ ე ნ ს:

რესპუბლიკის მოსახლეობის მიერ წარმოებული თესლოვანი ხილის სახელმწიფო შესყიდვის გადიდების მიზნით მიღებულ იქნეს საქართველოს სსრ სოფლის მეურნეობის სამინისტროს, მეხილეობის რაიონების ხელმძღვანელთა წინადადება და ნაწილობრივ შეიცვალოს საქართველოს სსრ მინისტრთა საბჭოს 1980 წლის 30 ივნისის № 538 დადგენილების № 4 დანართი და ამა წლის 10 ოქტომბრიდან, როგორც გამონაკლისი, განთავისუფლდეს რესპუბლიკის მოსახლეობა სახელმწიფოსათვის მიყიდულ თესლოვან ხილზე ფასდაკლებისაგან ყოველ კილოგრამზე 1,5 კაპიკის ოდენობით.

საქართველოს სსრ მინისტრთა საბჭოს  
თავმჯდომარე **ზ. პატარიძე.**

საქართველოს სსრ მინისტრთა საბჭოს  
საქმეთა მმართველი **ზ. ახვლედიანი.**

ქ. თბილისი, 1980 წ. 10 ოქტომბერი, № 752

## 86 საქართველოს სსრ კვების მრეწველობის სამინისტროს დაბუღავში ცვლილებათა შეტანის შესახებ

საქართველოს სსრ კვების მრეწველობის სამინისტროს შემადგენლობიდან საქართველოს სსრ სამრეწველო გაერთიანებების „საქჩაისა“ და „სამტრესტის“ გამოყოფასთან დაკავშირებით საქართველოს სსრ მინისტრთა საბჭო ა დ გ ე ნ ს:

შეტანილ იქნეს საქართველოს სსრ მინისტრთა საბჭოს 1968 წლის 15 ნოემბრის № 572 დადგენილებით და მტკიცებულ საქართველოს სსრ კვების მრეწველობის სამინისტროს დებულებაში შემდეგი ცვლილებანი:

— ჩამოყალიბდეს 1-ლი პუნქტის პირველი და მეორე აბზაცები შემდეგი რედაქციით:

„საქართველოს სსრ კვების მრეწველობის სამინისტრო საქართველოს სსრ მინისტრთა საბჭოს შესახებ კანონის 25-ე მუხლის შესაბამისად არის საკავშირო-რესპუბლიკური სამინისტრო და თავის საქმიანობაში ემორჩილება როგორც საქართველოს სსრ მინისტრთა საბჭოს, ისევე სსრ კავშირის კვების მრეწველობის სამინისტროს.

საქართველოს სსრ კვების მრეწველობის სამინისტრო ახორციელებს რესპუბლიკის საკონსერვო, ხილ-კენკრეულის ღვინის, ლუდის, უალკოჰოლო სას-



მელების, მინის ტარის მრეწველობის, მინერალური წყლების ჩამოსხმის პურფუნთუშეულის, მაკრონის, საკონდიტრო, თამბაქოს, ეთერზეთოვანი და ზეთცხიმის მრეწველობის, აგრეთვე მხატვრული ტარის მრეწველობის ხელმძღვანელობას“;

— ჩამოყალიბდეს მე-5 პუნქტის პირველი აბზაცი შემდეგი რედაქციით:

„საქართველოს სსრ კვების მრეწველობის სამინისტრო ხელმძღვა ნელობს და მართავს კვების მრეწველობას, როგორც წესი, სამრეწველო და საწარმოო გაერთიანებების, აგრარულ-სამრეწველო გაერთიანების, ტრესტის მეშვეობით, აგრეთვე უშუალოდ ცალკეულ საწარმოებს, ორგანიზაციებსა და დაწესებულებებს“;

— ჩამოყალიბდეს მე-6 პუნქტის პირველი აბზაცი შემდეგი რედაქციით:

„საქართველოს სსრ კვების მრეწველობის სამინისტრო წყვეტს ყველა საკითხს მისთვის მინიჭებულ უფლებათა ფარგლებში და შეუძლია მიანდოს მის კომპეტენციაში შემავალი ცალკეული საკითხების გადაწყვეტა საქვეუწყებო სამრეწველო და საწარმოო გაერთიანებებს, აგრარულ-სამრეწველო გაერთიანებას, ტრესტს, საწარმოებს, ორგანიზაციებსა და დაწესებულებებს“;

— ჩამოყალიბდეს 26-ე პუნქტის მეორე აბზაცი შემდეგი რედაქციით:

„სამინისტროს ცენტრალური აპარატის საშტატო განრიგს, აგრეთვე სამრეწველო და საწარმოო გაერთიანებათა, აგრარულ-სამრეწველო გაერთიანების, ტრესტის, უშუალოდ სამინისტროსადმი დაქვემდებარებულ ცალკეულ საწარმოთა, ორგანიზაციათა და დაწესებულებათა, ცენტრალური აპარატის სამმართველოთა და განყოფილებათა დებულებებს დაამტკიცებს საქართველოს სსრ კვების მრეწველობის მინისტრი“.

საქართველოს სსრ მინისტრთა საბჭოს  
თავმჯდომარის მოადგილე **ნ. ჰიტიანავა**.

საქართველოს სსრ მინისტრთა საბჭოს  
საქმეთა მმართველი **ზ. ახვლედიანი**.

**87** „მეორეული ნედლეულის დამზადებისა და გამოყენების საკითხებზე სსრ კავშირის მთავრობის გადაწყვეტილებათა ძალადაქარგულად ჩათვლის შესახებ“ სსრ კავშირის მინისტრთა საბჭოს 1980 წლის 17 სექტემბრის № 803 დადგენილებასთან დაკავშირებით საქართველოს სსრ მინისტრთა საბჭოს დადგენილებათა ძალადაქარგულად ჩათვლის თაობაზე

„მეორეული ნედლეულის დამზადებისა და გამოყენების საკითხებზე სსრ კავშირის მთავრობის გადაწყვეტილებათა ძალადაქარგულად ჩათვლის შესახებ“ სსრ კავშირის მინისტრთა საბჭოს 1980 წლის 17 სექტემბრის № 803 დადგენილებასთან დაკავშირებით საქართველოს სსრ მინისტრთა საბჭო ა დ გ ე ნ ს:

ძალადაქარგულად ჩაითვალოს:

— საქართველოს სსრ მინისტრთა საბჭოს 1950 წლის 6 მარტის № 265 დადგენილება „საქართველოს სსრ საავტომობილო ტრანსპორტის სამინისტროს თბილისის სალტეების სარემონტო სახელოსნოების მუშაობის გაუმჯობესების ღონისძიებათა შესახებ“;

— მე-2 პუნქტის „ა“ ქვეპუნქტი, მე-4, მე-6 და მე-7 პუნქტები საქართველოს სსრ მინისტრთა საბჭოს 1952 წლის 25 ოქტომბრის № 1630 დადგენილების „მეორეული ნედლეულის დამზადების გადიდების შესახებ“;

— საქართველოს სსრ მინისტრთა საბჭოს 1961 წლის 12 ოქტომბრის № 640 დადგენილება „ქალაქად და მუყაოდ გადასამუშავებელი მაკულატურის შეგროვების ორგანიზაციის გაუმჯობესების შესახებ“;

— 1-ლი პუნქტის 1-ლი აბზაცი, მე-2 პუნქტი, მე-3 პუნქტის „ა“ და „ბ“ ქვეპუნქტები, მე-6 პუნქტის „ა“ და „ბ“ ქვეპუნქტები საქართველოს სსრ მინისტრთა საბჭოს 1964 წლის 31 მარტის № 166 დადგენილებისა საქართველოს სსრ რესპუბლიკაში მეორადი ნედლეულის შეგროვებისა და გამოყენების დაგეგმვის მოწესრიგების ზომების შესახებ“.

საქართველოს სსრ მინისტრთა საბჭოს  
თავმჯდომარის მოადგილე **ნ. პითანავა**.

საქართველოს სსრ მინისტრთა საბჭოს  
საქმეთა მმართველი **ზ. ახვლედიანი**.

СОБРАНИЕ ПОСТАНОВЛЕНИЙ ПРАВИТЕЛЬСТВА  
ГРУЗИНСКОЙ ССР

№ 5. 1980 წელი

---

გამომცემელი: საქართველოს სსრ ფუნქციის სამინისტრო

---

ხელმოწერილია დასაბუქლად 18/III-81 წ. ქაღალდის ზომა 70×1/16,  
საბუქლი თაბახი 3,5, სააღრიცხვო თაბახი 3,5.

6. 77  
/ 65-